

壬寅新民叢報全編

4
3 5 7
7



曾  
753  
卷  
7

壬寅新民叢報全編

地理第九

地理與文明之關係

程子謂讀書為玩物喪志此語在今日幾於為世詬病矣雖然今之學者其能免於此四字之誦者幾人哉舊學之訓詁家金石家詞章家不必論矣即今所謂涉獵新學研究西書者亦大半取其形質遺其精神若是則雖博士多於鯽而於國民之進步無當也吾恐中學之八股家考據家去而西學之八股家又將來矣是以本報敘論諸學恒取其於精神上之關係者欲讀者因之而悟讀書致用之法不至為程子之所呵地理學者諸學科之基礎而學校所不可缺者也今集譯東西諸大家學說言地理與文明之關係者草為是篇為學僮之一助云爾

中國之新民

詩曰天生蒸民有物有則則者何因果之謂也觀乙果可以知甲因觀乙因可以推丙果苟持此法以研究天下事物則能得其公例之所在有通其一萬事畢之樂不特此也既知其果之所必至又知其果之所從來則常能達善因以補助之使其結果日趨於至善學術之有助於進化其功在是

世界文明之原因其所由來甚複雜固非可僅以一學科之理論而證明之者也雖然以地理學者之眼觀之亦有可以見其一斑者今略論如下

均是土地也均是人類也而文明程度之高低發達之遲速莫或相等者何也英儒洛克曰地理與歷史之關係一如肉體之與精神有健全之內體然後活潑之精神生焉有適宜之地理然後文明之歷史出

焉。寒帶熱帶之地。其人不能進化者何也。人之腦力體力為天然力所束縛。而不能發達也。管子曰。倉廩實而知禮節。衣食足而知榮辱。亞利士多德曰。人必能自養其欲。自給其求。然後高尚之思想事業乃起焉。極寒極熱之地。其人窮日之力。以應付天然界之存迫。猶且不給。以故文明之歷史。獨起於溫帶。北半球之大陸。三曰亞細亞。曰歐羅巴。曰北美。美利加。南半球之大陸。亦三。曰澳大利亞。曰阿非利加。曰南亞。美利加。北三陸皆廣大。合計方二千二百五十萬英方里。有奇。南三陸皆狹小。合計一千六百五十萬英方里。有奇。北陸之地勢甚複雜。多港灣。多內海。多湖。多海。多半島。半島者。出於海者。雖多。附屬之島嶼。其地面之複雜。亦與相應。有山脈。有高原。有平地。有河流。而三陸相互之位置。亦便於交通。南陸則不然。其地勢甚單純。灣港內海半島。皆極少。且位置各遠隔。交通不便。又北陸皆位於溫帶。南陸皆位於熱帶。使人類而與物類等也。則南陸之適宜。當過於北。何也。動植物往往自南北極而進於中帶。自中帶而進於熱帶。愈進而愈繁殖。故動植物全盛之世界。在於南半球。實天演之公例也。惟人類則反於此。公例何也。人類所以進化者。不徒恃物質上之勢力而已。而並恃精神上之勢力。故物類之爭生存也。惟在熱度之強盛。營養之足用而已。人則不然。恒視其智識道德。以為優劣勝敗之差。人物所循天演之軌道。各自不同。蓋以此也。夫酷熱之時。使人精神昏沈。欲與天然力相爭而不可得。嚴寒之時。使人精神顛。顛與天然力相抵太劇。而更無餘力。以及他熱帶之人。得衣食太易。而不思進取。寒帶之人。得衣食太難。而不能進取。惟居溫帶者。有四時之變遷。有寒暑之代謝。苟非勞力。則不足以自給。苟能勞力。亦必得其報酬。此文明之國民。所以起於北半球之大原也。

土地高低亦與文明之發達有比例。區而分之。可為三種。一曰高原。二曰平原。三曰海濱。

(一)高原 中亞細亞也。裏海黑海之間也。亞利伯也。亞非利加之巴。巴利沙漠也。南亞美利加之帕拉格維也。倭里那哥也。皆高原也。高原之特質。最適於畜牧。牧民逐水草而居。因其富則數畜必對。而非數地以對也。雖行族長政治。頗近似於國家。然舍血族之外。更無他道以相團結。雖有如成吉思帖木兒等野蠻中之英雄時出於其間。然終不能成一鞏固之國家。故文明無可言焉。

(二)平原 有河流則土地豐饒。中國之有黃河揚子江。印度之有恒河。埃及之有尼羅河。皆其最著也。此等之地。始有農業。人皆土著。民自名田。有毗鄰之關係。家族政治。一變為封建政治。行國變為居國。而鞏固之國體乃始立。中國印度埃及巴比倫皆在數千年以前。屢然成一大國。文明燦然。蓋平原之地勢使然也。

(三)海濱 驟觀地圖。則河海者所以使土地闕隔而華離也。然徵諸歷史上之事實。則人類交通往來之便。全恃河海。德儒黑革曰。水性使人通。山性使人塞。水勢使人合。山勢使人離。誠哉是言。歐洲人自十五世紀以來。與隔海之亞美利加及印度。交通頻數。已非一日。而於陸地接壤之亞細亞及亞非利加內地。反闕塞而疏迷之。此其一證也。南北兩美洲之間。有巴拿馬地峽。以為之連。亞歐非三洲之間。有地中海。以為之隔。而世界文明之起原。反以地中海為中心點。又其一證也。

海也者。能發人進取之雄心者也。陸居者以懷土之故。而種種之繁累生焉。試一觀海。忽覺超然萬累之外。而行為思想。皆得無限自由。彼航海者其所求固在利也。然求之之始。卻不可不先置利害於度外。以

性命財產為孤注萬險而一擲之故久於海上者能使其精神日以勇猛日以高尚此古來瀕海之民所以比於陸居者活氣較勝進取較銳雖同一種族而能忽成獨立之國民也腓尼西亞之於猶太葡萄牙之於西班牙荷蘭之於德意志是其例也同為希臘種而埃倭尼亞人與獨利安人之性質迥別同為黃種而中國人與日本人風氣攸殊皆海之為之也太古之文明雖起于埃及與安息之間而發揚之者實腓尼西亞與希臘人曰瀕海之故羅馬解紐以後文明進步最速者厥惟意大利曰瀕海之故美洲新大陸開闢以來西歐諸國之沿海岸者駸駸日進而俄國獨瞠乎後焉曰瀕海不瀕海之故三大陸比較之則亞非利加高原之地也亞細亞高原平原交錯之地也歐羅巴高原平原海濱三者調和適均之地也以面積論則歐羅巴為五洲之殿以海岸線論則歐羅巴為五洲之冠此其於文明程度有大關係焉今示其表如下

	面積	海岸線
亞細亞	一七、二一〇、〇〇〇 英方里	三六、〇〇〇 英里
亞非利加	一、一五〇、〇〇〇 英方里	一七、〇〇〇 英里
北亞美利加	九、〇〇〇、〇〇〇 英方里	四三、〇〇〇 英里
歐羅巴	三、〇〇〇、〇〇〇 英方里	一九、五〇〇 英里

亞洲面積殆五倍歐洲而其海岸線之長不能倍之歐洲面積不及非洲三之一而海線乃加乎其上一夫非洲人所以難進文明者何也歐洲之陸地距海岸五百英里以外者殆不多見非洲則大半皆在一千

英里以外也然使海岸線雖少而內地能有河流可使舟楫如亞細亞之天弗里士河台格里士河黃河揚子江恒河疏伽河南亞美利加之倭里挪哥河亞麻遜河拉布拉打河北亞美利加之聖羅凌河勿士必河等大者輪船往來可達三千英里次者亦能艘樓艦可以通行則亦能補海岸之不足使其利滋溥亞非利加則不然雖有尼羅河康哥河尼又河潛比西河之四大流而皆不適於交通蓋其瀑多湍急不許人泝流而上也加以有大沙漠橫斷洲之南北絕運輸之道而全洲四分之三屬於熱帶其文明所以不克暢進者實天然之缺陷使然也

亞細亞之地理雖似歐羅巴然雪山之大非亞爾布士之比其印度半島略似意大利然其幅員太大幾為大陸而非半島其南雖有澳大利亞洲然不如歐羅巴與亞美利加之接近至於印度洋與地中海比較尤相去懸絕故亞洲東南西北各自成一小天地而文明之競爭不起焉波斯與印度之間惟有一路可通亞力山大以來用兵所通行者是也而卡布兒之高原又使之與西亞細亞相隔絕若夫中國與印度之間更無一路可適用於行軍通商者雪山之峻險常在千丈乃至千八百丈以上之高度而帕米爾高原盛夏積雪故舍海路外無可以相通之道坐是亞細亞雖有創生文明之力而無發揚文明之力蓋由各地孤立故生反對保守之惡風抱惟我獨尊之妄見以地理不便故無交通無交通故無競爭無競爭故無進步亞洲所以弱於歐洲其大原在是

於亞細亞之西歐羅巴之南亞非利加之北環瀕其中央者有地中海焉使三大陸互相接近互相連屬齋平原民族所孕育之文明移之於海濱而發揮光大之凡交通貿易殖民用兵一切人羣競爭之事業

無不集樞於此。地中海故觀文明傳播之大勢。亞細亞其母也。因與他二大陸隔海相接之故。一起而傳。諸希臘意大利及羅馬併吞地中海諸國。復征服亞羅摩地。乃再躍而散於歐洲之西端。及哥倫布尋得美洲。遂再奮而磅礴於南北亞美利加。其西漸之跡。歷歷可稽。豈非以地中海為主動之原力耶。假此地中海而在東方。則文明必先東被。而開闢新世界之偉業。必將成於亞洲人之手矣。由此觀之。地理之關係於文明。有更重大於人種者矣。

以地勢言之。歐羅巴不過亞細亞附庸之一半島耳。然因其幅員不廣。故各地之聯絡交通易。而有高原。有平原。有海濱。山脈河流。經界複雜。故能分立諸國。使諸種國民。角起相競。雖然。其缺憾亦有一焉。則氣候嚴寒。不能自創文明是也。幸有大西洋之熱流。自墨西哥灣倒捲而向東北。使西歐諸國溫度增加。又亞非利加大沙漠。常以熱風播盪歐南。故歐羅巴氣候。比諸亞洲美洲之同緯度者。寒溫迥殊。要之其地勢與地氣。皆非能自造文明者。惟受之於他方。而自播殖之。發揮之。光大之。是其所長耳。

蓋文明之初發生。必在得天獨厚之地。厚者何。即氣候溫暖。物產饒足。謀生便易。是也。故歷觀古今中外。從無文明起於寒地者。前章所述之埃及印度中國巴比倫諸地。其所以能為文明祖國者。非徒地勢使然。亦地氣使然也。至如北美之墨西哥。南美之秘魯。亦為文明先進之國。哥倫布未開新洲以前。此二國既已斐然有文物矣。東半球文明祖國。皆居溫帶而沿河流。此兩國則無有大河。而亦能早達者。則全以氣候之故。墨西哥在北緯二十一度。秘魯在南緯二十一度。皆熱帶與溫帶之交也。

古代初民。無有資本。必其地之天然力極豐饒。常足償其勞力。而有餘者。然後文明生焉。此義前既屢言之矣。地何以豐饒。多溫氣。多熱氣。而兩者又相和合者是也。反是則貧瘠也。兩美洲之大河。皆在東部。注于大西洋。其西部注於太平洋者。無一焉。由落磯與安底斯兩山脈。皆偏在西部。故河流者。濕氣之所從出也。故西半球之濕氣。惟東部獨多。

若夫熱氣之所集。則南北美各不同。北美濕氣雖在東部。而熱氣卻在西部。東西兩海岸。其溫度相差殊甚。此不獨美洲為然耳。即東半球亦然。同一緯度也。而歐洲西岸與亞洲東岸大異。其故安在。蓋由南北兩冰洋與赤道下之大洋。其潮水之溫度相反。而地軸之轉。自西而東。故太平洋之潮流。繞亞澳兩洲間之群島。北轉而達臺灣。掠日本。東北趨達美國之海岸。南轉而達卡里佛尼亞。復與赤道潮流。大西洋之流亦然。流至墨西哥灣。為大陸所遮。不能出與太平洋合。乃迴流沿福羅里打海岸。北轉至赫的拉岬。與北海之寒潮接。東流而達歐羅巴西岸。其北流者。則環蘇格蘭挪威。使其寒氣大減焉。由是觀之。赤道下之熱氣。其行於北半球者。常以大陸之東岸為歸宿之地。此東西寒燠差異之原因也。而墨西哥正在熱流集注之區。溫度最盛。又美洲至北緯二十度以南。地勢忽縮小。為巴拿馬峽。其形恰與埃及之卡兒的亞相彷彿。因此之故。東西兩海岸接近。全國之地味氣候。皆等於島嶼。故雖無大河。而濕氣不乏。然則凡亞美利加州。濕熱雨氣。最充盛最調和者。惟墨西哥。此所以能獨優于大陸。而在十六世紀以前。已有文明也。由此觀之。凡原因同者。其結果必同。雖土地遠隔。人種各殊。而天演之公例。不少異也。

南美之現狀。與北美異。所謂東岸寒而西岸燠者。惟北半球為然耳。南半球則適與相反。蓋南冰洋之寒潮。繞南球諸陸之西岸。而赤道熱流。反在其東岸也。南美洲濕熱雨氣。皆集於東方。故南美東部之土地。

無論屬于熱帶溫帶寒帶者皆極豐饒然則文明不起於其間又美以故曰溫熱之盛過度動植物之繁殖不可思議人力為天然力所壓而不能盡其性也夫海底有寒熱兩潮流空中有寒熱兩風圈皆由地軸東轉簸盪而成其理一也自北緯二十八度至南緯二十八度之區一年內凡為東北風西南風者各半西人所謂貿易風也此貿易風之經大西洋而達南美東岸也所含大洋中水氣遇冷而墜大雨時行而為安底斯山所阻不能越嶺而西其雨皆灌溉於巴西之地故巴西天然力之盛甲於全球雖然以太盛之故人力為其所壓惜哉其幅員面積與歐羅全洲相埒徒委為蠻於之巢窟自葡人竟得此土以來垂四百年非不屢欲運歐洲之文明以化被之然其力只及于東岸若其內地依然四百年前之故我而已森林深而農業不進蟲害甚而收穫難期山高而不可登河大而無由渡巴西所以不能孕育文明曰惟此之故

國於巴西之西者有秘魯焉同在一大陸同在一緯度而地勢有相逕庭者巴西既位熱帶之溫度而世界第一大河亞馬遜灌溉之諸小河流灌溉之貿易風之大雨灌溉之豐沃過度人力無權秘魯之地則跨有安底斯山東麓之高原與太平洋邊之海岸安底斯山之西終歲無雨又無樹木至其東麓亞馬遜河上流一帶常降雨而不過度森林亦生焉南冰洋之寒潮達其西岸調和其氣候使不過熱故南美洲中溫氣熱氣會合適宜之地惟一秘魯此所以文明早發與墨西哥同也

以上所舉專就物質的文明而論之若夫精神的文明與地理關係者亦不少凡天然之景物過於偉大者使人生恐怖之念想像力過敏而理性因以減縮其防礙人心之發達阻文明之進步者實多尚天然

景物得其中和則人類不被天然所壓服而自信力乃生非直不怖之反愛其美而為種種之試驗思制天然力以為人利用以此說推之則五大洲之中亞非美三洲其可怖之景物較歐洲為多不特山川河嶽沙漠等終古不變之物為然耳如地震颶風疫癘等不時之現象歐洲亦較少于他洲故安息時代之文明大率帶恐怖天象之意宗教之發達達於科學誠如格致辯學是也科迷信之勢力強于道理彼埃及人所拜之偶像皆不作人形秘魯亦然墨西哥亦然印度亦然及希臘之文明起其所塑繪之群神始為優美人類之形貌其宗教始發于愛心而非發于畏心此事雖小然亦可見安息埃及之文明使人與神之距離遠希臘之文明使人與神之距離近也而希臘所以能為世界中科學之祖國者實由於是即就歐洲內論之亦有可以證明此例者歐洲中火山地震等可怖之景惟南部兩半島最多即意大利與西班牙葡萄牙是也而在今日之歐洲其人民迷信最深教會之勢力最強者惟此三國且三國中雖美術家最多而大科學家不能出焉此亦天然之景物與想像理性之開發有關係一明證也

要而論之歐羅巴以前之文明即埃及及希臘也全恃天然界之恩惠其得之也非以人力故雖能發生而不能進步歐洲則適相反其天然界不能生文明故自外輸入之文明不可不以人力維持之就就焉熟熟焉而此兢兢熟熟之人力即進步之最大原因也

雖然無亞細亞之文明則歐羅巴之文明終不可得現歐人忘其本而漫然譏訕亞人非所宜也歐人動曰曰亞細亞者神權政治之巢穴專制主義之地獄也以此相詆未免失當記不云乎物有本末事有終始知所先後則近道矣凡人羣之初起也必有一種野蠻的自由政治之第一級在使人脫離此等蠻性蠻

習故彼時之國家不可不首立政府。定法律以維持一羣之平和秩序。不可不鞏固主權。以禦外侮而弭內亂。然則非用強力行威權。安能致此。夫惡法律雖不及善法律。然猶愈于無法律。惡政府雖不及善政府。然猶愈于無政府。故當人羣進化之第一期。但求有法律有政府而已。至其善惡優劣。暫可不問。此古今中外之所同也。歐人豈得獨非笑之。

且亞西亞之神權。其裨益于世界者固不少。彼其神權治下之文明。即今日歐美文明所從出也。歐美文明淵源于羅馬。羅馬淵源于希臘。希臘淵源于亞細亞。雅波細亞之族。厥裔又不惟古代之淵源而已。即近世之文明。亦莫不然。近世文明之所自出有四。一曰耶穌教。二曰羅馬法。三曰希臘之文學哲學。四曰中國隋唐之文明。其第一件。本為亞洲猶太之土產。經羅馬人之手而傳諸全歐者也。其第三第四兩件。自中世以來。經阿剌伯人之手而傳入者也。於近世歐洲文明進步最有大功者。曰羅盤針。藉以航海覓地。曰火器。藉以強兵衛國。曰印書術。藉以流通思想。開廣民智。而此三者。皆非歐洲人所能自發明。彼實學之于阿剌伯。而阿剌伯人又學之於我中國者也。今日歐人雖演進種種技術。還以授諸東方。不過報報恩反哺之義。加利息以償前負耳。歐人固可輕蔑我耶。雖然。今日受其報與否。又我國人所自擇矣。人羣進化之第一期。必以專制政治為文明之母。此不獨亞洲為然。即歐洲亦莫不然也。歐人脫神權專制之軌。行人民自由之治。亦不過在十八世紀之末。十九世紀之初。距今百年間耳。亞細亞歷史之缺點。不在其昔代之行專制。而在今日之猶安于專制。不知何年何代。乃脫其樊耳。夫所謂進化第一期。必要專制者。其事固自有程度。其時固自有限制。苟逾其程。其限而猶用之。則不為羣益。反為羣害。勢所必然。

也。蓋專制之效力。在使內部人民愛平和重秩序。養成其服從法律之風也。既平和矣。既秩序矣。自治之習慣既成立矣。於此時也。則政府當減縮其干涉之區域。以存人民自由之範圍。人文愈開。則此範圍愈當擴充。於是政府與人民之權限。不可不確定焉。非特禁人民之互侵自由而已。而政府亦不得自侵之。蓋人羣進化之第二期。所重者不在秩序而在進步。而欲使人民進步。必以法律保護各人之權利。使其固有之勢力。得以發達。實為第一要義。善乎斯賓塞之言也。曰：「天下事有泛言之見為惡。對言之則為善者。亦有泛言之見為善。對言之則為惡者。如專制與自由是也。專制至惡也。而在人羣進化之第一期。不可不謂之善。自由至善也。而在人羣進化之第一期。不可不謂之惡。」亞細亞之所短。在徒抱文明之基礎。而不能入于進化之第二期也。而其原。由於天然之境遇。所得過厚。其精神為天然力所制也。歐羅巴之所長。在經過第一期。即入于第二期。語其事實。則自美國獨立。法國革命以來。百餘年間之現象。是其明效大驗也。

地理與文明關係之徵驗。既若是矣。然則歐洲竟非吾亞洲所能及乎。是又不然。盡人力則足以制天然。也。彼歐洲本為文明難發生之地。而竟發生之。則吾亞洲雖為文明難進步之地。曷為不可以進步之。近來學術日明。人智日新。乃者亞細亞全洲。鐵路徧布。電線如織。雖喜馬拉耶之崇山。不能阻中國與印度之交通。雖比克西亞之高原。不能塞印度內地與東西兩洋之往來。亞細亞亦將為文明競爭之舞臺矣。人事遷移。向上未艾。或者亞非利加之沙漠。南北極之冰原。且有爛花繁錦。與各大陸國民相輝映者。未可知也。嗚呼。萬事悠悠。羣生莽莽。雖曰天命。豈非人事耶。吾友因明子之詩曰：「丈夫當此湧血性。茫茫大






興發之次第。其別因難或尚多。然由於地形大小之比例。殆其重要者也。南歐之物。既已代謝。其舞臺漸漸移於北。於是人類難使用之地。日以進發。即其勢自最易者。以趨於稍易者。自稍易者。以趨於稍難者。自稍難者。以趨於更難者。其途徑歷歷。可覆按也。近數百年來。遂經法蘭西。英吉利。德意志。而入於斯拉夫。民族根據地之俄羅斯。歐洲識者。謂未來之大希望。大結果。將在俄人。非無故也。白人之國。角立於歐洲之東西。土壤有限。人滿為憂。相競利用。此規模淺小之歐羅巴。精華將竭。各爭寸土。以至演出狼吞虎噬。弱肉強食之活劇。上天好生之德。不忍視歐洲之慘狀也。乃於其中。誕降一豪傑焉。曰哥命布。使為其同胞。揭開久蔽之幕。幕既開。而所謂新世界者。突兀躍出於人間。即亞美利如是也。天之製造此新舞臺也。用全力。注全神。故其地形之結構。斐然可觀。其規模絕大。不如歐陸之淺小。而北亞美利加。尤為美妙。其東其西。皆環以大瀛。恐其內陸氣候之乾燥也。乃鑿廣而深之淡水湖。五以湛潤之。濟全世界第一之大河。以灌溉之。其天然界之美滿。毫無遺憾矣。南美之結構。雖稍亞於北。然亦有大可歎美者。新世界之規模。雖絕大。其適於利用之點亦多。此白人所以能造第二之歐羅巴於此間也。上天以為此新世界者。其面積如此其廣大。其形勢如此其完美。雖無量數之生靈。自舊世界飛渡。當綽綽有餘。裕乃開闢而招之。曰。嘻。蓋歸乎來。歐人受此奇寵。劍及履及。吶喊一聲。突進闖入。拓草萊。任土地。建邦國。僅數百載。而人滿又見告矣。曠昔以農產國名者。一變而為製造國。曠昔以共和主義者。一變而為帝國主義。歐人昔以為殖民政略之劇場者。轉瞬之間。卻自行其殖民政略于太平洋以外矣。上天既以此大之士。賜其驕子。謂此後可以暫安息乎。沈沈而醉者。三百年。及起而睨之。則已成為第二之舊世界。其

慘狀視前更劇矣。天亦無如此驕子何也。乃於咄嗟之間。築造澳大利亞洲。忽開其幕。而以此最新之舞臺。並昇諸歐人。此澳洲者。其地形如一初製之模。海岸之屈曲出入。殊少。其山不高。其河不長。無水無湖。不能調和內陸之氣候。其動物也。惟有極兇於腹之袋鼠。不飛不鳴之鴛鳥。蓋其製造成於急就。而百物不完備之一土也。歐人既得澳大利亞也。先利用其可以利用之部分。不數十年。而此最新世界。又成為第三之歐羅巴矣。於是動機不得不轉。向於亞非利加。非洲與歐洲。相隔一葦水。其西北。殆接歐境。雖然。其地形大而無當。海岸皆缺。交通之利。加以萬里不毛之沙漠。橫亘其中。炎熱瘴癘。而利用極難。此所以雖相近。而用之極遲也。今也新世界之阿美利加。既無餘地矣。最新世界之澳大利亞。復無餘地矣。然則此視耽耽。欲逐逐之歐人。豈能又于安坐以終古。致近年以來。瓜分非洲之勢。如彼如潮。不轉瞬間。割以盡。今者撒哈拉中一粒之沙。皆有主人翁矣。撒哈拉。撒哈拉。亞非利加之為第四歐羅巴。其期又將不遠矣。嗟夫。嗟夫。螟蛉有子。果贏負之。茫茫四大壞。竟全為歐羅巴之附庸之奴隸。李義山詩云。自是當時天帝醉。不關秦地有山河。展覽坤圖。不禁且歎且妙。而且悚皇也。

亞細亞洲 面積 二八八〇〇〇〇方里 人口 八三五〇〇〇〇〇〇人  
俄羅斯屬 面積 一一〇〇〇〇〇方里 人口 二〇〇〇〇〇〇〇人

地理





為太平洋瀕海之記號。丙丁線為印度洋瀕海之記號。乙丁線為毗連大陸之記號。再記其山脈。以戊己為汗都喬柱 Hindu Kush 及崑崙山脈之記號。以己己為阿爾泰山脈之記號。以庚庚為喜馬拉耶 Himalaya 峴雪山脈之記號。但觀此則亞細亞洲中央之地勢其高崇自可想見矣。而全洲水河之源必由此高地而起。亦可想見矣。明此形勢則可以悟戊己以北之川河必流注於甲乙線之北冰洋。己庚庚間之川河必流注於丙丁線之太平洋。庚庚以南之川河必流注於觀之。則知里拿 Liana 河伊尼西 Yensai 河河北 Obi 河等之北流。黑龍江黃河揚子江等之東流。疏伽 Ganges 河御恒印度河等之南流。皆有非偶然者。熟察諸大河系之流域。則可悟亞細亞大陸實以三大平原一大高原而成。三大平原者。一圖中之子即己己戊戊以北一帶。西伯利亞平原是也。二圖中之丑即己己庚庚以東一帶。印度平原是也。三圖中之寅即庚庚以南一帶。印度平原是也。三圖中之寅即庚庚以南一帶。印度平原是也。


一帶伊蘭高原是也。亞細亞及較廣於是乎全洲之地勢。山河之大體。可以一目瞭然矣。復次言其氣候。則于西伯利亞部寒冷也。丑支那部溫暖也。寅印度部炎熱也。卯伊蘭部寒熱皆達於極端也。於是乎各部動植物之差異及各部之物產與其人民職業之差異。亦可以推定。

次考亞細亞洲之人種。則一西伯利亞部。為黃人種居之。二支那部。為黃人種居之。三印度部。為高加索人種居之。四伊蘭部。為黃人種與高加索人種雜居之。其人種之分布。亦與其地勢之區別。悉相附。有如此者。

次考亞細亞洲人民之宗教。則一西伯利亞部人民。所奉者沙瑪尼教也。其附近支那之部分。或奉佛敎。或奉儒敎。二支那部人民。兼中國。暹羅。蒙古。西藏。朝鮮。日本。所奉者佛敎也。我孔子非宗教家。本報第二思想皆受佛敎。三印度部之人民。所奉者婆羅門教也。其如婆羅門教者。然四伊蘭部之人民。兼中亞。西。阿。富。汗。斯坦。俾。路。亞。斯。坦。波斯。亞。所奉者回教也。其所以生此區別者。亦非偶然。

又以各部之地勢。氣候。生物。民業。人種。宗教。之差別。對照比較。則可知其各部特別開化之由。一西伯利亞之劣等文明也。二支那之文明。即起于支那。擴布於蒙古。西藏。朝鮮。日本。安南。暹羅。緬甸。諸國者也。三印度之文明。即泰士格列之文明也。四波斯亞刺伯。希臘。之文明。即回教的文明也。其所以發生之由。亦皆可以地理之勢測定之矣。

用此方法。不徒可以考一洲之地。而巴。即講各國之地理。亦當如是也。試以印度之地理。為例。先畫定印度之形狀。為甲乙丙丁記號。如第二圖。丙丁線則瀕于邊卡灣 Bay of Bengal 者也。乙丁線則瀕于亞刺



圖二第

伯海者也。其所有諸山脈。則如圖中所示。喜馬拉耶山。汗都喬柱山。溫的耶。Vindya山。西噶士。Chittis山。東噶士山之位置。由是其國內諸河。如印度河。梯Taptee。河。噶達維里。CodaVari。河。噶伽河等之水源。灌域。及其所流注之尾閘。皆可以悟出。又可見印度之國。由兩大平原結構。而成。第一如圖(子)噶伽河之溪谷也。第二如圖(丑)噶達維里山與噶士山之間也。用此符號記之。則開卷瞭如矣。

學者苟能用此法。則以觀各部地理。而按地圖以考證之。則若網在綱。有條不紊。泱泱全洲之形勢。可頃刻而盡納於腦中矣。治學當得其門徑。此之謂也。

中國地理大勢論  
美哉中國之山河。美哉中國之山河。  
中國者。天然大一統之國也。人種一統。言語一統。文學一統。教義一統。風俗一統。而其根原莫不由於地勢。中國所以遜於泰西者在此。中國所以優於泰西者亦在此。

中國之面積。十五倍於日本。合歐洲列國。如瑞典。挪威。丹麥。奧大利。匈牙利。德意志。瑞士。伊大利。荷蘭。比利時。佛蘭西。西班牙。葡萄牙。其幅員僅足與我頡頏。中國者。名為一國。實一洲也。當周末四五百年。漢末

四百餘年。唐末百餘年間。皆列國並立。與歐羅巴大陸相類。而卒歸於一統之運。不如歐西之國。國抗衡。多歷年所者。蓋彼則山嶺交錯。縱橫華離。於其間多開溪谷。為多數之小平原。其勢自適於分立自治。此則莽莽三大河。萬里磅礴。無邊無涯。其形勢適與之相反也。

中國現今地理。可概分為兩部。一曰本部。八行省是也。二曰屬部。滿洲。蒙古。回部。西藏是也。亞洲者。全地球之宗主也。中國者。亞洲之宗主也。本部者。又中國之宗主也。請先論本部。

文明之發生。莫要於河流。中國者。富於河流之名國也。就本部而分之。復可為中南北三部。北部者。黃河流域也。中部者。揚子江流域也。南部者。西江流域也。三者之發達。先後不同。而其間民族之性質。亦自差異。此亦有原理焉。凡河流之南北向者。則能連寒溫熱三帶之地。而一貫之。使種種之氣候。種種之物產。種種之人情。互相調和。而利害不至於衝突。河流之向東西者。反是。所經之區。同一氣候。同一物產。同一人情。故此河流與彼河流之間。往往各為風氣。故在美國。則東西尚異。自北而南。皆而常能均調。在中國。則南北殊趣。自西而東。皆而間起衝突。於一統之中。而精神有不能悉一統者存。皆此之由。

自周以前。以黃河流域為全國之代表。自漢以後。以黃河揚子江兩流域為全國之代表。近百年來。以黃河揚子江西江三流域為全國之代表。自古之事。不可紀。今後之局。猶未定。然則過去歷史之大部分。實不外黃河揚子江兩民族競爭之舞臺也。前者西江未發達。故通稱中部為南部。數千年南北相競之大勢。即中國歷史之榮光。亦中國地理之骨相也。今請以政治上。文學上。風俗上。兵事上。兩兩比較而論之。其在政治上。北方視南方。以下所言。南方皆指揚子江。常占優勢。蓋我黃族之始祖。本自帕木爾高原。迨

遷東下而揚子江上流崇巒峻嶺壁立障之故避難就易沿河以趨全國文明自黃河起點而傳布於四方帝王實力亦起於是積之者厚故其勢至今猶昌也今以歷代帝王都徽之

黃河流域國都表

代	都	今地	河系
三皇 太昊伏羲氏 炎帝神農氏 黃帝軒轅氏	陳 曲阜	河南陳州府	在蔡河之岸蔡河後淤入黃河在泗水之南洙水之北
少昊金天氏	涿鹿	直隸順天府	在拒馬河右岸拒馬經兩淀而入白河然茶古地圖實屬黃河河系
五帝 顓頊高陽氏 帝嚳高辛氏 帝堯陶唐氏 帝舜有虞氏	窮桑 帝岳 亳 平陽 蒲坂	山東兗州府 直隸大名府 河南河南府 山西平陽府 山西蒲州府	黃河古今隄附近 在伊水之岸伊水入洛洛入河在汾河左岸平水之北
三代 夏 商 周	安邑 亳 洛陽 咸陽	山西解州府 河南歸德府 河南河南府 陝西西安府	媯汭之傍 在永河之傍 在黃河揚之江之間淤河之南 洛水之北即其左岸 渭水之北即其左岸

漢	魏	西晉	後魏	北齊	後周	隋	唐	後梁	後唐	後晉	後漢	後周	宋	金
西漢 東漢	魏之三國	西晉	後魏	北齊	後周	隋	唐	後梁	後唐	後晉	後漢	後周	宋	金
長安	鄴	洛陽	洛陽	鄴	長安	長安	長安	汴	洛陽	汴	汴	汴	汴	北京汴
陝西西安府	河南彰德府	見上缺見上暗則						河南開封府						
渭水之南即其右岸								黃河幹流之南即其右岸						
														初都汴百六十六年而南遷自此以後稱南宋 金初都上京(今會寧)後廢其僻北遷燕京(今北京) 復為蒙古所逼南遷汴京

卷九

地理

十二

由此觀之。歷代王霸定鼎。其在黃河流域者。最占多數。固由所處所受使然。亦由對於北狄。取保守之勢。非據北方。而不足以為拒也。而其據於此者。為外界之現象。所風動所薰染。其規模常宏遠。其向勢常壯闊。其氣魄常磅礴。英鷲有俊。鷲盤雲橫。絕朔漠之概。

楊子江流域國都表

元	大都	直隸順州府	即北京也
明	北京	直隸順天府	北京雖非黃河流域。然實延緣於此。河系之平原上也。明永樂始遷。
清	北京		
代	都	今地	河系
吳三國	建業	江蘇江甯府	楊子江幹流之南。即其右岸
東晉	建康	江蘇江甯府	
六朝	建康	府即南京	
宋	建康	浙江杭州府	
梁	建康	江蘇江甯府	
陳	臨安		
南宋	臨安		
明	應天府	江蘇江甯府	雖在錢塘江口。然實延緣於楊子江之河系也。高宗始遷揚州。繼定都於此。即南京也。太初都之成。祖遷於北京。末葉福王復都之。

由此觀之。建都於楊子江流域者。除明太祖外。大半皆創業未就。或敗亡之餘。苟安旦夕者也。為其外界之現象。所風動所薰染。其規模常綺麗。其局勢常清隱。其氣魄常文弱。有月明畫舫。緩歌慢舞之觀。此外不依此兩河流以立國。而其歷史稍有可觀者。則有蜀之成都。今四川成都府也。蜀林據長江之上游。江後魏之平城。今山西大同府也。其割據年代稍短。或地位稍偏。於政治歷史無甚關係者。漢初則有若南越。尉佗之在廣東。凡八十五年。閩越。無諸之在福建。凡九十五年。皆不在兩河。晉則有若漢劉淵之都平陽。黃河。趙石勒。燕慕容皝之都鄴。黃河。秦苻堅。後秦姚萇之都長安。黃河。南燕之在東山。黃河。諸涼之甘肅。不在兩河。唐末則有若吳楊行密之在淮南。揚子江。凡四十九年。蜀王建。孟知祥之在四川。揚子江。前後凡六十四年。楚馬殷之在湖南。揚子江。凡五十五年。閩王審知在福建。揚子江。凡四十九年。吳越錢鏐之在兩浙。揚子江。凡八十四年。南漢劉隱之在廣東。揚子江。凡七十年。近世則有若太平洪秀全之在金陵。揚子江。凡十一年。合前兩表統之。數千年王霸之國都。其在黃河流域者。十六。得姓三十六。其在揚子江流域者。二。得姓十。其準黃河流域者。一。就得姓四。其準揚子江流域者。二。就得姓六。其不在兩流域內者。五。得姓七。數十年政治都會。略具於是矣。校其發達之大勢。東周以前。南方未始建國也。春秋戰國以後。而楚吳越始強。其力足與北方諸國相埒。及於漢末。而竊據者。率起於北。及於唐末。而竊據者。多起於南。此亦兩地勢力平均之一消息也。今請將五大都氣運之久暫。列為一表。以求其原因結果。

- 一 長安 黃河流域 凡九百七十年
- 二 洛陽 同 凡八百四十五年



而吾粵乃今始萌芽。故數千年來未有大關係於中原。雖然粵人者中國民族中最有特性者也。其言語異其習尚異。其控大江之下流而吸其菁華也。與北部之燕京中部之金陵同一形勝。而支流之紛錯過之。其兩面環海。海岸線與幅員比較。其長卒為各省之冠。其與海外各國交通。為歐羅巴阿美利加澳斯大利亞三洲之孔道。五嶺亘其北以界於中原。故廣東包廣西而以自捍。亦政治上之獨立區域也。他日中國如有聯邦分治之事。吾知為天下倡者必此兩隅也。

其在文學上。則千餘年南北峙立。其受地理之影響。尤有彰明較著者。試畧論之。

一、哲學。吾國學派。至春秋戰國間而極盛。孔墨之在北。老莊之在南。商韓之在西。管駟之在東。或重實行。或毗理想。或主峻刻。或崇虛無。其現象與地理。一一相應。夫既言之矣。終觀本報第三連於漢初。雖以實后文景之篤好黃老。然北方獨盛儒學。雖以楚元王之崇飾經師。然南方猶喜道家。春秋繁露。及其餘經說。北學之代表也。淮南子及其餘詞賦。南學之代表也。雖然自漢以後。哲學衰矣。洎及宋明。茲道復振。濂溪康節。實為先驅。雖其時學風大略一致。然濂溪南人。首倡心性。以窮理氣之微。康節北人。好言象數。且多經世之想。伊川之學。雖出濂溪。然北人也。故洛學面目。亦稍變而傾於實行焉。關學者北學之正宗也。橫渠言理。頗重考實。於格致蘊真。間有發明。其以禮學提倡一世。猶孔荀之遺也。東萊繼之。以網羅文獻為講學宗旨。然北人思想焉。陸王皆起於南。為中國千餘年學界開一新境。其直指本心知行合一。蹊徑自與北賢別矣。凡此者。皆受地理上特別之影響。雖以人事揉雜之。然其結果殆有不容假借者存也。

(二) 經學

兩漢以後。儒學統一。先秦學術之界域。殆銷滅矣。雖然於經學之中。又自有南北之流別。當六朝時。北人最喜治三禮。如徐遵明。劉炫。劉焯。李紘。劉焯。沈重。熊安生等。皆其禮學名家。南人最喜治易。常以易老並稱。如王弼。郭象。向秀之流。史皆稱其遠於易老。晉書南史及世說新語等書每述時流之學。輒言其深於易老。北史儒林傳云。天抵南北所為章句。尚互有不同。江左周易則王輔嗣。尚則書孔安國。左傳則杜元凱。河洛左傳則服子慎。尚書周易則鄭康成。詩則並主於毛公。禮則同遵於鄭氏。南人簡約得其英華。北學深蘊窮其枝葉。其言可謂居要。由此觀之。同一經學。而南北學風。自有不同。皆地理之影響使然也。

(三) 佛學

六朝唐間。佛學掩襲一世。佛學之空。與儒學之實。立與反對之兩極端者也。然佛學之中。流派自異。象教宏興。肇始姚秦。秦北地也。鳩摩憊三。贛首事翻譯。自茲以往。文字盛行。至南方繼徒。學博不及北派。而理解或過之。謝靈運云。諸公生天。雖在靈運先。佛必居靈運後。蓋南人自負之言也。隋唐之際。宗風極盛。天台智顛法相玄奘華嚴杜順禪慧能等。三宗。統稱教下三家。皆起於北。陳義闡深。說法博辯。而修證之法。一務實踐。疏釋之書。動輒汗牛。其學統與北朝經生頗相近。似惟禪宗獨起於南。號稱教外別傳。達摩入中國。首為梁武所皈依。黃梅禪宗五。大鑑禪宗六。開山吳越。專憑悟證。不依文字。蓋與老莊陸王頗符契焉。同一佛學。而宗派之差別若此。亦未始非地理之影響使然也。

(四) 詞章

燕趙多慷慨悲歌之士。吳楚多放誕纖麗之文。自古然矣。自唐以前。於詩於文。於賦。皆南北各為家數。長城飲馬。河梁攜手。北人之氣概也。江南草長。洞庭始波。南人之情懷也。散文之長江。大河一瀉千里者。北人為優。駢文之鏗雲刻月。善移我情者。南人為優。蓋文章根於性靈。其受四圍社會之影響特



甚焉。自後世交通益盛。文人墨客。大半足跡走天下。其界亦浸微矣。  
 五、美術、音樂。吾中國以書法為一美術。故千餘年來。此學蔚為大國焉。書派之分。南北尤顯。北以碑著。南以帖名。南帖為圓筆之宗。北碑為方筆之祖。連健渾雄。峻峭方整。北派之所長也。龍門二十品。饜龍顏。碑。弔。比。于。文。等。為。其。代。表。秀。逸。搖。曳。含。蓄。瀟。灑。南。派。之。所。長。也。蘭。庭。洛。神。清。化。閣。帖。等。為。其。代。表。蓋。雖。雕。蟲。小。技。而。與。其。社。會。之。人。物。風。氣。皆。一。一。相。肖。有。如。此。者。不。亦。奇。哉。畫。學。亦。然。北。派。擅。工。筆。南。派。擅。寫。意。李。將。軍。謂。之。金。碧。山。水。筆。格。通。勁。北。宗。之。代。表。也。王。摩。詰。之。破。墨。水。石。意。象。逼。真。南。派。之。代。表。也。音。樂。亦。然。通。典。云。祖。孝。孫。以。梁。陳。舊。樂。雜。用。吳。楚。之。音。周。隋。舊。樂。多。涉。胡。戎。之。技。於。是。斟酌。南。北。考。以。古。音。而。作。大。唐。雅。樂。一。直。至。今。日。而。西。柳。子。腔。與。南。崑。曲。一。則。悲。壯。一。則。靡。曼。猶。截。然。分。南。北。兩。流。由。是。觀。之。大。而。經。濟。心。性。倫。理。之。精。小。而。金。石。刻。畫。游。戲。之。末。幾。無。一。不。與。地。理。有。切。密。之。關。係。天。然。力。之。影。響。於。人。事。者。不。亦。偉。耶。不。亦。偉。耶。大。抵。自。唐。以。前。南。北。之。界。最。甚。唐。後。則。漸。微。蓋。一。文。學。地。理。常。隨。一。政。治。地。理。為。轉。移。自。縱。流。之。運。河。既。通。兩。流。域。之。形。勢。日。相。接。近。天。下。益。日。趨。於。統。一。而。唐。代。君。臣。上。下。復。努。力。以。聯。貫。之。貞。觀。之。初。孔。穎。達。顏。師。古。等。奉。詔。撰。五。經。正。義。既。已。有。折。衷。南。北。之。意。祖。孝。孫。之。定。樂。亦。其。一。端。也。文。家。之。韓。柳。詩。家。之。李。杜。皆。生。江。河。兩。域。之。間。思。起。八。代。之。衰。成。一。家。之。言。書。家。如。歐。陽。虞。世。南。褚。遂。良。顏。柳。柳。公。權。之。徒。亦。皆。包。北。碑。南。帖。之。長。獨。開。生。面。蓋。調。和。南。北。之。功。以。唐。為。最。矣。由。此。言。之。天。行。之。力。雖。偉。而。人。治。恒。足。以。相。勝。今。日。輪。船。鐵。路。之。力。且。將。使。東。西。五。洲。合。一。爐。而。共。冶。之。矣。而。更。何。區。區。南。北。之。足。云。也。

其在風俗上。則北俊南嬌。北肅南舒。北強南秀。北儂南華。其大較也。龔定菴詩云。一黃河女直徙南東。我說神功勝禹功。安用迂儒談故道。犁然天地畫民風。自注云。渡河而南。天異色。地異氣。民異情。蓋南北之差殊。稍有識者。皆能見及矣。然猶不止此。

古書中以地理言風俗者。莫善于史記貨殖傳。今節錄其一二。

關中自沂雍以東至河華。膏壤沃野千里。自虞夏之貢。以為上田。而公劉適邠。大王王季在岐。文王作豐。武王治鎬。故其民猶有先王之遺風。好稼穡。殖五穀。地重。重為邪。及秦文孝。繆居雍。隴蜀之貨物。而多賈。獻孝公徙櫟。邑櫟。邑北卻戎。程東通三晉。亦多大賈。武昭治咸陽。因以漢都。諸陵四方輻輳。並至而會。地小人眾。故其民益玩巧而事末也。

夫三河在天下之中。若鼎足。王者所更居也。建國各數百千歲。土地小狹。民人眾。都國諸侯所聚會。故其俗纖儉習事。

種代石北也。地邊胡。數被寇。人民矜憤。性好氣。任俠為姦。不事農商。其民羯毚不均。自全晉之時。固已患其慄悍。而趙武靈王益厲之。其語俗猶有趙之風也。

中山地薄人眾。猶有沙丘紂淫地餘。民俗慄急。仰機利而食。丈夫相聚游戲。悲歌忼慨。起則相隨。推刺休則極家作巧姦治。

鄭衛俗與趙相類。然近梁魯。微重而矜節。濮上之邑。徙野王。野王好氣。任俠。衛之風也。夫燕亦勃碣之間。一都會也。人民布。數被寇。大與趙代俗相類。而民雕悍少慮。

臨淄亦海岱之間一都會也其俗寬緩闊達而足智好議論地重難動懼於衆門勇於持刺故多劫人者大國之風也其中具五民而鄒魯濱洙泗猶有周公遺風俗好儒備於禮故其民齷齪儉嗇畏罪遠邪及其衰好賈趨利甚於周人夫自鴻溝以東芒碭以北屬巨野此梁宋也其俗猶有先王遺風重學多君子雖無山川之繞能惡衣食致其蓄藏

以上言北方風俗

越楚則有三俗夫自淮北沛陳汝南南郡此西楚也其俗剽輕易發怒地薄寡於積聚陳在楚夏之交通魚鹽之貨其民清刻矜己諾

彭城以東東海吳廣陵此東楚也其俗類徐僮胸繒以北俗則齊浙江南則越夫吳自闔廬春申王濞三人招致天下之喜子弟亦江東一都會也

衡山九江江南豫章長沙是南楚也其俗大類西楚與關中于越雜俗故南楚好辭巧說少信江南卑淫丈夫早夭

九疑蒼梧以南至儋耳者與江南大同俗而揚越多焉番禺亦其一都會也

潁川南陽夏人之居也夏人政尚忠朴猶有先王之遺風潁川敦厚秦末世違不軌之民於南陽其俗雜好事業多賈

總之楚越之地地廣人希飯稻羹菘或火耕而水耨果隋贏蛤不待賈而足地勢饒食無饑饉之患以

故皆窳偷生無積聚而多貧是故江淮以南無凍餒之人亦無千金之家

以上言南方風俗

此二千年前哲人所觀察之大略也雖至今物換星移迥非曩昔然其以地理人情兩者合證以推原其各種特別風俗所由成可謂目光如炬矣以今日論之則大河以北自漢受匈奴降衆居之三輔民夷雜處及晉而五胡亂華繼以北魏中原遺民不覩漢官威儀者垂數百年全唐盛時一雪此恥逮於五季石晉以燕雲十六州賂契丹終宋之世遼金交擾通元涉清金甌全缺故北方之風俗漢胡雜焉雖然以數被邊患故其民尚有如史記所謂矜慎好氣任俠者排外之心稍強甘涼素蹂躪於回其俗雜漢回悍而急儻而好亂關中古帝王都也然自隋唐之交喋血六七水薄其味土變其質近加以明季張李之踐踏嗚呼耗矣故其民貧而悍愉而不揚山西古三晉也夙邊胡踐掠最數故其俗堅忍而好蓄藏至今猶能以商豪於國中然樸塞固陋今猶有穴居者直隸為帝都者七百餘年舉天下使辟巧媚之士湊集焉加以從龍入關之裔騎侈淫佚恣慢橫暴雍乾以後益挫抑氣節其士大夫相率以群居終日言不及義好行小慧故京師之俗雜五方而為首惡之區其民則土炕氈服如羶鄉焉雖然燕齊之交其標悍之風猶存至今响馬標客猶推埋俠子之遺河南自昔四戰之國而今則寒廩之區也其民勇不遠北智不逮南無足云者大江左右自晉南渡後中原衣冠文物萃焉故史公所言關中三河之俗自中世以來乃見之於江南中間胡元盜國百年中稍衰息矣元人詩云玉樹後庭花不見北人租地種茴香蓋傷之也然南俗既已脆弱而歷代都此者率皆偏安愉惰之主導以騎侈淫佚故其俗文而少氣知者多而行者

窮。雖然江浙固今世文明之中心點也。江漢之間近世之蒙陽成皋也。天下有事為必爭之區。故洪楊之難。武昌三陷。漢陽四陷。其民數更變亂。人無自安之心。故俗習於巧黠。好小亂而無遠志。皖南江右俗在吳鄂之間。可代表南人之特性焉。湖南古南楚也。北通江域。南接猺獯。故其人進取之氣頗盛。而保守之習亦強。近數十年自伐其功。囂張大甚。然其尚氣敢任有足多者。四川雲貴兩廣福建。自昔以來其利害與中原不甚相切。蜀人饒富。善保守而缺進取。至今其俗與十年前不甚變異。常為他地之人入之以嬰守。其土著民族有活潑氣象者鮮焉。滇黔三苗南蠻之故墟也。其民之稍優秀者。大率流官遷賈來自他鄉。至其原民則猶有羲皇以上之遺風焉。廣西瘠土也。民食不相給。而與中原遠。故洪楊用之以發難。近數十年游勇層集。椎埋相結。故其人最喜亂。視揭竿之事為日用飲食。廣東自秦漢以來。即號稱一大都會。而其民族與他地絕異。言語異。風習異。性質異。故其人頗有獨立之想。有進取之志。兩面瀕海。為五洲交通孔道。故稍習於外事。雖然其以私人資格與外人交涉者太多。其點劣者。或不免媚外倚賴之性。閩人蓋亦同病焉。

其在兵事。則吾中國讀史地理兵要之書。作者雖不乏。然苦無條理。其於兵事地理與民俗之關係。能言其故者蓋少焉。中國千戈之國也。統覽數千年之史。乘其三十載不見兵革者殆希。二十四部之正史。不過一大相斫書。二十一省之土地。不過一大修羅場。然則以兵事言地理。亦治此學之一大法門也。吾欲有所論。吾請舉自漢以來用兵之地。列表而統計之。

歷代革命軍及割據國所憑藉地理表

人	地	今地
秦末	陳勝吳廣	安徽鳳陽府
項羽	蕪	浙江紹興府
劉邦	會稽	江蘇徐州府
武臣	沛	山西
田儼	趙	山東
韓廣	齊	直隸
周市	燕	河南
王無諸	魏	福建
尉佗	東越	廣東
尉佗	南越	廣東
彭越	定陶	山東曹州府

地理

漢

初

英布

陳稀

盧綰

吳

膠西

膠東

七

國

淄川

濟南

楚

趙

樊崇

王匡等

陳牧等

光武

西漢之末

隗囂

成都

四川成都府

六

代

薊

廣陵

高密

安徽六安州

山西代州

直隸順天府

江蘇揚州府

山東萊州府

山東濟南府

彭城

邯鄲

莒

新市

荊州

春陵

成紀

江蘇徐州府

直隸廣平府

山東沂州府

湖北安陸府

湖北荊州府

湖北襄陽府

甘肅秦州

東漢之末

寶融

劉永

彭寵

李憲

張步

張角

袁紹

曹操

袁術

劉表

呂布

公孫度

孫策

劉備

劉淵

李雄

河西

睢陽

漁陽

廬江

臨淄

鉅鹿

鄴

鄴

壽春

襄陽

徐州

遼東

壽春

益州

左國城

成都

甘肅甘涼蘭諸州

河南歸德府

直隸

安徽安慶二州

山東

直隸順德府

河南彰德府

山東曹州府

安徽鳳陽府

湖北襄陽府

江蘇徐州府

直隸

安徽鳳陽府

四川

山西汾州

四川

十六國

石勒	慕容皝	拓跋祿官	張寔	符洪姚萇	慕容廆	慕容冲	慕容德	乞伏乾歸	呂光	秃髮烏孤	沮渠蒙遜	李嵩	馮跋	赫連勃勃	王敦
襄國	龍城	上谷	姑臧	關中	大棘城	平陽	滑臺	范川	姑臧	西平	張掖	敦煌	和龍	統萬	武昌
直隸順德府	直隸承德府	直隸宣化府	甘肅涼州府	陝西	盛京	山西平陽府	直隸衛輝府	甘肅鞏昌府	甘肅涼州府	甘肅西甯府	甘肅甘州府	甘肅安西府	直隸順德府	甘肅寧夏府	湖北

兩晉

蘇峻	張駿	孫恩	劉裕	盧循	楊玄感	竇建德	李密	林士弘	李子通	杜伏威	劉武周	薛舉	李軌	蕭銑	梁師都
歷陽	涼	會稽	京口	番禺	黎陽	漳南	滎陽	江南	海陵	歷陽	馬邑	隴西	河西	巴陵	朔方
安徽和州	甘肅	浙江	江蘇鎮江府	廣東廣州府	山西潞安府	山東東昌府	河南開封府	江蘇揚州府	安徽和州	山西代州	甘肅鞏昌府	甘肅蘭州府	湖南岳州府	陝西榆林府	

晉末

地理

唐

末

錢鏐

王審知

馬殷

王建

楊行密

黃巢

李希烈

李納

王武俊

田悅

朱滔

僕固懷恩

劉展

安祿山

史思明

劉黑闥

沈法興

李淵

吳越

閩

楚

蜀

淮南

曹濮

彰義

淄青

鎮冀

魏博

盧龍

汾

廣陵

范陽

漳南

毘陵

浙江

福建

湖南

四川

安徽

山東

河南

山西

直隸河南

直隸

山西汾州府

江蘇揚州府

直隸順天府

山東東昌府

江蘇常州府

中

唐

山西太原府

江蘇常州府

山東東昌府

直隸順天府

江蘇揚州府

山西汾州府

直隸

直隸河南

山西

山東

河南

安徽

山東安慶間

四川

劉隱

南漢

廣東

李昇

南唐

江南

孟知祥

蜀

四川

高季興

荆南

湖南

李元昊

西夏

甘肅

方國珍

台州

浙江台州府

劉福通

永平

直隸永平府

李二

徐州

江蘇徐州府

徐壽輝

陳友諒

湖北黃州府

張士誠

羅田

江蘇揚州府

明玉珍

高郵

四川雲南

郭子興

朱元璋

安徽鳳陽府

燕王棣

濠州

直隸

宸濠

南昌

江西

張獻忠

四川

陝西

李自成

明末

地理

鄭成功 臺灣  
 吳三桂 雲南  
 耿精忠 福建  
 尚之信 廣東  
 苗匪 貴州  
 白蓮教 湖北荊州  
 蔡牽 福建汀州  
 洪秀全 廣西永安州  
 義和團 山東

清初  
 近世

以上所列其革命而成功者著之其雖不成而割據稍久者亦著之其雖不能久而畧地甚廣者亦著之其雖不成不久不廣而勢潮甚猛為天下倡者亦著之其憑藉朝柄以篡竊得勢者無論為成為敗為一統為割據皆不著以其無與於用兵也其異族起兵外域入主中夏者不著以其與境內之地理性質無關也二千年來兵事地理之關係於歷史者各異是矣試統計其各省主動多寡之數則

直隸十五	山東十	湖北七	浙江四	湖南三	雲南一
甘肅十三	安徽九	四川七	福建四	廣東三	江西一
江蘇十一	山西八	河南五	陝西三	廣西一	貴州一

其所以能用兵之故雖有種種特別原因不能盡以歸諸地理要之地理為其一重要之主因無可疑也以此表校之除直隸甘肅山西三處多由西北異種乘藉竊據其主動不專由我民族外自餘則惟山東江蘇安徽湖南湖北為最能舉事之地此其故何也黃河揚子江兩流域勢力使然也而其間成功最鉅者為漢之劉邦光武唐之李淵明之朱元璋其次者為楚之項羽魏之曹操宋之劉裕李淵曹操起於黃河流域劉裕起於揚子江流域其餘皆起於江河兩流域之交實而言之則淮水流域之民族數千年來最有大力於中原也夫淮域所以能獨占優勝者何也其東通海其北界河其南控江其地理之適於開化蓋天然矣直隸割據起事雖多未有能成者惟明燕王靖難之師則挾以親藩之力非可以尋常論也其次則安史之亂雖蹂躪天下之半而卒以敗亡直隸者布政之地非用兵之地也甘肅興者不讓直隸然成就之率更在其下水利乏而不足以為通不足以為繼也若夫四川每天下有亂則常獨立而其滅亡最後一見之於公孫述再見之於劉備三見之於李雄四見之於王建孟知祥五見之於明玉珍六見之於張獻忠七見之於最近之石達開不知來視諸往他日中國若有事亦若是則已耳雖然蜀利保守而不利進取地勢實然也然則幽并甘涼梁益之地用之者雖多而成之者實寡其不得不讓淮漢者非偶然矣

大抵中國地理開化之次第自北而南三代以前河北極盛秦漢之間移於河南後移於江北六朝以後江南亦駸駸代興焉而自漢迄今全史之大部分皆演於江河間之原野彼龍爭虎鬥甲與乙朴殆未有出山東安徽江蘇河南湖北數省外者也淮漢民族之在中國其猶近世條頓民族之在世界也而點綴

其間者。則有幽燕趙代隴蜀諸族。其猶歐洲之有拉丁與斯拉夫也。此外位其南者。未嘗有能為一國之重輕者也。其有之。則自近百數十年始也。

疇昔南北交通之運未盛。故江南常足以自守。吳劉據垂八十年。晉南渡百年。蓋以宋齊梁陳百六十餘年。宋南渡一百五十年。蓋地勢統合之力。未大定也。項羽亦不用烏江丈人之言耳。使其用之。則杜牧所謂江東子弟多才俊。捲土重來未可知。夫孰敢謂羽之才。反出孫權下也。魏文臨江而歎。謂天之所以限南北。孫皓為長江天塹。豈能飛渡有自來矣。逮於魏晉。則南北兩文明互發。達互和合。而趨於統一。非南混同於北。則北混同於南。事機與昔大殊矣。不見夫福王魯王畫江之局。不兩年而漸亡乎。不見乎近世洪楊三分有天下之二。徒以株守金陵。不圖北進。卒以十餘年之建國。消於朝露乎。雖曰人謀之不臧。抑地勢亦有不得不然者也。故古之語兵事者。以滎陽成皋為第一要點。以其為黃河流域之咽喉也。近之語兵事者。以武昌漢陽為第一要點。以其為揚子江流域之眉目也。昔蔡州明夷待訪錄。主建都金陵之議。謂秦漢之時。關中風氣會聚。田野開闢。人物殷盛。吳楚方脫蠻夷之號。風氣樸略。故金陵不能與之爭勝。今關中人物不及吳會久矣。云云。可謂能知地運變遷之大原。顧亭林足跡偏天下。乃謂秦地華陰縮觀關河之口。雖足不出戶。而能見天下之人聞天下之事。一旦有警。入山守險。不過十里之遙。若志在四方。一出關門。亦有建瓴之勢。云云。自謝身歷。而以此規蔡州。是猶漢唐以上之言也。庸詎知地運之駸駸自北而南者。今固有以異於古所云也。雖然。歷覽前史。大抵北人南伐者。則得志。南人北伐者。則不得志。其在北者。如五胡起而晉以東。金源起而宋以南。蒙古起而宋金。滿洲起而明。社稷皆外種憑藉異域。姑勿具論。劉項同為淮人。而漢踞關中。已蜀楚踞江淮。成功卒歸漢氏。三國鼎立。而吳入於晉。六朝並峙。而陳入於隋。自古南渡偏安之局。曾無一焉。能北進以恢復者。幸快幸蜀者。有恢復漢江。不可謂非地理上一疑問也。北伐之師。惟項羽以江東八千破秦。孫堅以吳會一旅入洛。最稱名譽。然卒歸於敗。卽爾後劉裕之滅南燕。滅後秦。號稱南朝第一盛舉。亦不能竟其功。此外南北交戰。南人之有功者。千餘年來。不過三役。一曰周瑜之于赤壁。二曰謝玄之于淝水。三曰虞允文之于采石。然皆防禦而已。於進取則概乎未之有聞也。豈徒南人文弱之為哉。毋亦地勢地運然矣。直至明祖用江淮之眾。放逐胡元於漠北。光復舊物。混一海內。南之挫北。蓋自茲後始。明祖雖暴。其為漢族之名譽。又烏可誣也。而考地理與歷史之進化。相關係者。亦可於此思其故矣。

自唐以前。湖南浙江福建兩廣雲南諸省。曾未嘗一為輕重於大局。其根據地。碁儲自宋以後。而大事日出於此間矣。宋之南渡在浙。其亡也在廣東。明之亡也。始而江。繼而浙。而閩。而粵。而桂。而滇。此亦地運由黃河揚子江而漸趨於西江之明徵也。相中古之南楚。號稱大國。而二千年間。用之者。惟一蕭銑一馬殷。乃咸同以來。曾胡驟起。湘軍之聲譽。東至東海。南踰嶺南。西闢回部。西南震苗疆。至今尚矣。手可執三湘民族之有大影響於全國。實自五十年以來也。兩廣亦然。疇昔惟有尉佗劉隱等諸羈靡。及洪楊發難。乃裹五嶺之民。凌厲蹴踏。奄半天下者。垂十餘年。兩廣民族之有大影響於全國。亦自五十年以來也。浙人聞人。於明末魯唐盛國時代。崎嶇海上。奔走國難者。號稱極盛。浙閩民族之大有影響於全國。亦自二百年以來也。自今以往。而西江流域之發達。日以益進。他日龍拏虎獅之大業。將不在黃河與揚子江



間之原野。而在揚子江與西江間之原野。此又以進化自然之運推測之。而可以知其概者也。獨恨感賦  
卧榻。鼾睡已屬他人。沈沈昆明。妖仄未蘇。前劫。舉目有山河之異。誰泣新亭。中原無願牧之才。空肥戎馬。  
對圖。搵淚。掩卷。驚神。問天。意其蒼茫。哀民生其憔悴。嗚呼。予欲無言。嗚呼。予欲無言。

歐洲地理大勢論

中國之新民

歐羅巴其天之驕子乎。以員輿上最小之一洲。洲內剖分為大小國者十數。而宰制天下。巍然為全世界  
之主人翁。至於今日。而亞澳非南北美五大壞。幾全為歐羅巴人之附庸矣。噫嘻。曷克有此。吾他無能如  
焉。如其地理。

試以歐羅巴大陸形狀。比諸一西婦。伊比利 Iberia 半島。猶如其頭也。批勒尼 Pyrenees 山脈。其頸也。法  
蘭西。比利時。荷蘭。其胸也。英吉利。為伸右手之狀。意大利。為伸左手之狀。丁抹德意志。奧國。巴幹半島。羅  
尼亞。門的內哥。蘇  
次。戈。律。納。等國。土耳其。其腹也。俄羅斯。洋。格。也。更細摹之。則葡萄牙者。頭上。所冠之帽也。法蘭西  
之比。黎。敦。半島。其肩也。愛爾蘭。右手。所捧之物也。西西里島。左手。所捧之物也。瑞典。挪威。踴足  
而上。蹴之形也。試比照於全地地圖。則歐羅巴洲之半島。之海角。之灣。之島。與視他洲。為特多。其海岸線  
之比例。視他洲。為特長。以故船舶交通之利便。冠絕宇內。以故物產之交換。易言。語。技。術。思。想。之。交。換。易  
凡有形無形之各種事物。莫不彼此相摩相厲。相競相師。開化速進。皆此之由。  
雖然。渾言之曰歐洲。曰歐洲人。而不知歐洲之地。有盛有衰。歐人之中。有弱有強。蓋今所謂霸九州之民  
族。乃歐人之一部。非歐人之全體也。而甲民族與乙民族。盛衰消長之間。亦時與地理有切密之關係。試

縱論之

歐洲民族。大別為三。一。拉丁民族。二。條頓民族。三。斯拉夫民族。

拉丁民族。居歐洲之南部。意大利。比利時。法蘭西。西班牙。葡萄牙。及羅馬尼亞。亞強半之人民。皆屬之。拉丁  
者。羅馬之別名也。此等國民。沐浴羅馬之榮澤。以進於文明之域。雖然。羅馬人者。征服他國。掠奪其人民  
土地。以創成大國者也。坐是之故。貴族軍人。非常跋扈。而平民。一無權力。上流社會。滿盈驕奢。屢成浮華  
輕薄之風。而歐南諸國。天候和煦。空氣清明。時鳥好花。優美艷麗。其人受此外境界所薰染。自有一種戲  
曲的小說的性質。其與羅馬文明。固已針芥相吸。故一旦受之。而發達益甚。其人情風俗。宗教。政治。及製  
造物品。修成為一種特別之羅馬派。固無足怪。

惟其然也。故拉丁民族諸國。其人民之性情。常華而脆。驕而奢。汰而惰。不見夫法蘭西人。皆浮華輕薄之  
種子乎。不見夫西班牙人。皆驕侈淫汰之陋民乎。惟其然也。故拉丁民俗諸國。其宗教。不重理想。而重儀  
式。輪奐其教堂焉。繁重其禮拜焉。若此者。拉丁民族之所長也。其教派皆宗天主教。崇法皇。

惟其然也。故拉丁民族諸國。其政治。時而為君主政體。時而為民主政體。時而為貴族政體。時而為神父  
政體。國中紛紛。革命之慘劇。踵相接。其人浮動而不能自治。

惟其然也。故拉丁民族諸國。其製造物品。率以奢美。豪汰相尚。如酒類。烟類。玻璃。細工。陳設品。花瓶。粧飾  
具。其奇技淫巧。以悅婦人者。多出於是。而日用必需之品。反缺焉。

此諸國者。其始為感情所刺激。常有經營四方之志。或探險。竟地。或用武力。征嘗。擴絕大之版圖。開極盛

之殖民地雖然不轉瞬間銷聲匿影。至今日而昔年之全盛渺不可復覩矣。讀西班牙葡萄牙今昔之歷史識者未嘗不發書而歎也。希梭也拿破侖也。此民族中之豪傑也。讀其傳記而拉丁人之真面目見焉矣。

條頓民族居歐羅巴中部。以北英吉利德意志荷蘭丁抹瑞典那威之人民屬之。此諸國者其氣候比於拉丁族國較寒。其生物之發育較遲。其物產之種類亦較少。惟其然也。故條頓民族諸國其人民之性情忍耐刻苦質朴節儉。不以浮華奢美為事。孽孽然惟生產是務。故其意想緻密。帶數理的性質。與拉丁人之小說的戲曲的絕異。惟其然也。故條頓民族之宗教核民實。貴理想不拘拘於議式。不屑屑於品物。其教派皆宗婆羅的士坦耶穌所創也。

惟其然也。故條頓民族諸國其政治之變動少。革命之事不數數。民皆安其業樂其生。循序以進化。惟其然也。故條頓民族諸國其製造物品皆日用飲食所必需者。而不貴奢美華飾之物。羅紗也。鐵工器具也。皆此民族所最饒者也。其人善為他人所崇敬所信用。故立市通商日增。月盛。華威頓也。威靈頓也。此民族中之豪傑也。讀其傳記而條頓人之真面目見焉矣。

欲知拉丁條頓兩民族性質之差別。觀其所創造之殖民地新國而可見也。美國也。澳洲也。紐西倫也。條頓民族所移住者也。墨西哥也。中美洲諸國也。南美洲諸國也。拉丁民族所移住也。兩兩對照。其得失之林。繁然矣。大抵拉丁民族之殖民政畧。貴族派也。條頓民族之殖民政畧。平民派也。拉丁民族之殖民之好裝飾。條頓民族之殖民地。貴營業。拉丁民族之殖民地。政府干涉之。條頓民族之殖民地。人民自治之。

拉丁民族之殖民地。重課出入之船船。條頓民族之殖民地。豁免海關之稅則。拉丁民族之殖民地。由政府派軍隊以開之。條頓民族之殖民地。由人民集公司以拓之。拉丁民族每關一地。必先建禮拜堂。條頓民族每關一地。必先設會議所。拉丁民族之殖民地。首置酒庫。條頓民族之殖民地。首修道路。拉丁民族之殖民地。多有貴族巨紳之園林。條頓民族之殖民地。多有寡人移民之田圃。要而論之。則拉丁民族善粉飾其殖民地。條頓民族善利用其殖民地。拉丁民族因得殖民地而勞費以為國病。條頓民族因得殖民地而豐富以為國榮。以故拉丁民族或放棄其殖民地而無所惜。條頓民族常保持其殖民地而不憚勞。以故拉丁民族之殖民地。日以式微。條頓民族之殖民地。日以繁盛。以此察之。其於兩民族消長之原。思過半矣。

斯拉夫民族居歐洲之東北部。而俄羅斯人實其代表也。其所宅者。茫茫無涘之平原也。故其性質沈毅而深遠。宏渺而不可測。其職業以農耕為主。其教派以希臘教為宗。蓋政教混淆。一種不可思議之宗門也。其文學黯黯然。而有宏深肅括氣象。要之拉丁民族。歐洲之先鋒也。條頓民族。其中軍也。斯拉夫民族。其後殿也。拉丁民族。其全盛時代在過去。條頓民族。其全盛時代在現在。斯拉夫民族。其全盛時代在將來。質而言之。則拉丁民族之事業。如花然。如劇然。斯亦不足畏也。已。條頓民族。商人之性質也。其腦髓所含者。算術也。是雖可畏。然猶非其至者也。至於斯拉夫民族。其事業。非花非劇。非商。非算。幽涼而沈。雄宏遠而強毅。彼拿破侖以五十萬鐵騎壓俄境也。俄人直取其數百年之國都。五六十萬人口之大都會。一炬而摧燒之。以陷法軍於絕地。其經營泰東也。則橫貫萬里不毛之西伯利亞。建一空前絕後之大鐵路。

自囁嚅小兒之國民視之。幾以為五石之瓠。飽落而無所容。此其氣象何等雄偉。其掌跡何等高遠。斯拉夫民族之事業。此其代表矣。嘻。俄羅斯秦也。其心目中豈復有六國乎。

學者既知歐洲三大民族之性質。則可因其所在地。以考地理與人事之關係。如圖為短角股直角之三角形。一南部即拉丁民族之諸國。一法蘭西意大利西班牙葡萄牙羅馬尼亞等。地勢高崇。沿澤少。



氣候溫暖。花果豐熟。於天然界。獨占優勝。二中部之北方。為條頓民族之諸國。英吉利荷蘭德意志丁未瑞典那威等。地勢較南部稍平坦。沿澤多。氣候略寒。於天然界。悉力於南部一等。三東北部。為斯拉夫民族之國。俄羅斯。地勢扁平。湖沼極多。氣候特寒。於天然界各事物。遠在南部中部之下。然後於三部三族所建國之間。備考其宗教政體人情風俗。乃至人民之職業。物產之製造。種種殊異之處。則如網在綱。炳若觀火矣。試舉其例。如葡萄。牙。拉丁民族之邦國。則其人情之浮薄。輕佻。其宗教之為天主教。其政治上之變化。騷動甚多。其製造品之多。酒類。麵粉。糖。皆不問而可知矣。荷蘭。條頓民族之邦國也。則其人情之忍耐。節儉。勉於職業。力於質選。其宗教為耶穌新教。其政治上之變化。少。其製造品皆人生必須之物。又不問而可知矣。由是以論將來趨勢。則荷蘭之前途。希望多。葡萄牙之前途。希望少。其亦可燭照而數計矣。又荷蘭與比利時。環境相接。面積相等。同為一小國。同在一平坦之方域。而甲則條頓民族。人尚節儉。奉新教。言語文字。皆宗日耳曼。乙則拉丁民族。人情奢靡。其國都布羅士里。

Prussias 自號為小巴黎。奉舊教。言語文字。皆宗法蘭西。蓋其差異也如此。苟知其故。則以觀歐羅巴之人。

文地理。誠有通其一萬事畢之樂焉矣。又時或一國之中。異種異族之民相雜居者。亦常各自保持其特別之性格。如瑞士然。其東部為德意志民族。條頓之所棲。其西部為法蘭西民族。拉丁所集。故東部人民。忍耐節儉。奉新教。操德語。西部人民。好奢侈。奉舊教。用法文。至如奧匈。國。巴。幹。半島。諸國。為條頓人與斯拉夫人。條頓人若黃色種人。相雜居者。其現象亦復如是。準此推之。則歐洲諸國之國情。皆可洞悉矣。由此觀之。民族性質與其國家之強弱盛衰。其關係之捷於影響也如此。以拉丁人前此之氣蓋一世。而猶不可恃。然則有拉丁民族之所短。而無其所長者。更何以自處焉。君子每披瀛海圖。而不禁瞿然以驚也。

本論亦據志賀重昂地理學講義中歐羅巴地理考究之方針二篇為藍本。問下己意。著者識。

論民族競爭之大勢

中國之新民

本論宗旨在綜覽現今世界各國之大勢推原其政略所從出及其所以集勢於中國之由而講求吾國民應變自立之道篇中取材多本於美人靈緞氏所著「十九世紀末世界之政治」潔丁士氏所著「平民主義與帝國主義」日本浮田和民氏所著「日本帝國主義」帝國主義之理想」等書而參以己見引伸發明之不敢掠美附識數言 著者識

天下勢力之最宏大最雄厚最劇烈者必其出於事理之不得不然者也。自中古以前羅馬以前歐洲之政治家常視其國為天下所謂世界的國家 Worldly State 是也。以誤用此理想故。故愛國心不盛而真正強固之國家不能立焉。按吾中國人愛國心之弱其病源大近四百年來。民族主義日漸發生。日漸強達。遂至磅礴鬱積。為近世史之中心點。順茲者興。逆茲者亡。所號稱英君哲相。如法王路易第十一。顯理第四。英女王意里查白。英相格林威爾。渣。意。想。嘉。喜。耳。德相俾士麥。皆乘此潮流。因勢而利導之。故能建造民族的國家。聲施爛然。苟反抗此大勢者。雖有殊才異能。卒歸敗衄。法帝拿破侖是也。拿破侖所以取敗者。由欲強合無數異種異言異教異習之民族。而成一絕大之帝國。其道與近世史之現象太相反。其不能成也固宜。

夫此民族主義。所以有大力者何也。在昔封建之世。羅馬以前歐洲之封建時代也。分土分民。或同民族而異邦。或同邦

而異民族胡漢吳越雜處無猜及封建之弊極於墜地民求自立而先自團於是種族之界始生同族則相吸集異族則相反撥苟為他族所箝制壓抑者雖粉身碎骨以圖恢復亦所不辭若德意志若意大利皆以同民族相吸而建新邦若匈牙利以異民族而分離於奧大利皆其最著者也民族主義者實製造近世國家之原動力也

此主義既行於是各民族咸汲汲然務養其特性發揮而光大之自風俗習慣法律文學美術皆自尊其本族所固有而與他族相競爭如羣虎互睨莫肯相下範圍既日推日廣界線亦日接日近漸有地小不足以回旋之概夫內力既充而不得不思伸於外此事理之必然者也於是由民族主義一變而為民族帝國主義遂成十九世紀末一新之天地

民族帝國主義有兩種其發生皆不自今日今則合一爐以治之而已甲種者優強民族自移殖於劣弱民族所居之地終其臂而奪之若英國是也英人自古以來與羅馬帝政不相容去而自立實為民族國家發生之嚆矢故其民族帝國主義亦著先鞭得善處屬地之法遂能控馭全球凡日所出入處皆見其國旗焉乙種者優強民族能以同化力我謂之同化力吞納劣弱民族而抹煞其界限若美國是也美國百餘年來由大西洋之十三省逐漸擴充奄有太平洋岸全陸之地自三百萬人增至八千萬人固由吸集同族之效亦未始不因買受併吞他國之屬土而同化其民之所致也今日之美國尚能容納德意志愛爾蘭之移民綽有餘裕皆其同化力強感使然也

近世諸儒之學說其於孕育民族帝國主義與有力者不一而足而以瑪兒梭士 Malthus 英人生於一七六六年卒於一八三四年

達爾文見冊二氏為最瑪氏嘗著人口論一書謂人類日漸繁殖其增加之率常與食物之增加不能相當食物之增加算術級數也即由二而四而八而十六是也而人口之增加幾何級數也即由二而四而十而百無術以豫防之則人滿之患必不能免而戰爭疫疾自殺之風將日盛此論一出大聲動全歐之耳目而政治家之思想幾為之一變按瑪氏謂人口之增加以幾何級數實屬杜撰後儒駁正之者已不少其所故當瑪氏以前歐洲列國尚以獎勵產子為急務于七百年前英國著名之人口學家馬西氏曾著一書論及於今日則除法蘭西一國外殆無不以人滿為憂者矣故十八百八十五年法蘭西著名之人口學家提案於議院謂民有及歲而不增者則課以重稅今試舉近百年來歐美各國人口進增之大概列表如下

	一八〇〇年	一八八〇年
英	一五、五七〇〇〇	三四、六五〇〇〇
法	二七、七二〇〇〇	三七、四三〇〇〇
德	二二、三三〇〇〇	四五、二六〇〇〇
奧	二一、二三〇〇〇	三七、八三〇〇〇
意	一三、三八〇〇〇	二八、九一〇〇〇
班	一、四四〇〇〇	一六、二九〇〇〇
合計	一七二、二六〇〇〇	三一二、九九〇〇〇

此八十年前增進之大略也。其中速率最著者。尤以德俄美三國為甚。德國當千八百五十年。只有三千五百二十萬人。至千九百年。則有五千六百三十四萬人。俄國當千八百五十年。只有六千八百萬人。至千九百年。則有一萬二千九百萬人。美國當千八百零年。只有五百三十萬人。至千九百年。驟增至七千六百三十五萬人。美國人口由外國移民者居多以此之故。歐洲區區之地。斷不能容此孳生蕃行之民族。使之各得其所。勢固不得不求新政策以調劑之。此事理之易見者也。於是乎殖民政略遂為維持內治之第一要著。此近世帝國主義發生之原因也。

前代學者。大率倡天賦人權之說。以為人也者。生而有平等之權利。此天之所以與我。非他人所能奪者也。及爾達文出發明物競天擇優勝劣敗之理。謂天下惟有強權惟強者有強權更無平權。權也者。由人自求之自得之。非天賦也。於是全球之議論為一變。各務自為強者。自為優者。一人如是一國亦然。苟能自強自優。則雖翦滅為弱者。而不能謂為無道何也。天演之公例則然也。我雖不翦滅之。而彼劣者弱者。終亦不能自存也。以故力征侵略之事。前者視為蠻暴之舉。動今則以為文明之常規。歐美常揚言曰。全世界三分之二。為無智無能之民族所掌握。不能發宣其天然之富力。以供全球人類之用。此方人滿為憂。彼乃貨棄於地。故優等民族。不可不以勢力壓服劣等者。取天地之利而均享之。其甚者以為世界者。優等民族世襲之產業也。優等人斥逐劣等人而奪其利。猶人之斥逐禽獸。實天演強權之最適當而無憾德者也。茲義盛行。而弱肉強食之惡風。變為天經地義之公德。此近世帝國主義成立之原因也。由此觀之。則近世列強之政策。由世界主義而變為民族主義。由民族主義而變為民族帝國主義。皆迫

於事理之不得然。非一二人之力所能為。亦非一二人之力所能抗者也。今請就諸國中擇其有代表帝國主義之資格者而論之。得四國焉。

其一英吉利。英國本境之人口。不滿四千萬。而其謀生於海外者。殆倍之。人口日日增多。而三島之面積不加廣。物產不足以給民用。故英國若一旦失其屬地。不特富源立涸而已。而國威民力。皆隨而衰頹。國民之品性。且將漸滅。勢必與古代之雅典羅馬。同列于亡國之籍。故英人之帝國主義。非直為進取計。不得不然。即為保守計。亦不得不然也。英國今日之盛強。半由煤礦之豐富。據千八百七十一年政府所報告。謂本國之煤。尚足供三百年之用。然爾來英人用煤之率。日增月加。曾靡底止。故其勢不久必須仰給煤炭於本境以外。或者謂英煤涸竭之時。即英國哀亡之日。非過言也。况其製造之品。消售於屬地者。常視他國有加焉。彼英屬地之依賴母國。不如其母國之依賴屬地為尤重大也。故英人之政策。務使其母國與屬地永不相離。不惟保守其版圖而已。又使其海陸通航之路。交通便利。以是為第一要義。以保海軍之關繫。日益重焉。海軍既重。故屯泊貯煤之灣港。亦隨之而重。英國所行於東洋。及亞非利加之政略。皆以此為根據者也。彼其保護土耳其。占據賽布拉斯島。皆所以防俄國之蠶食。保地中海之航路。使英國與印度交通之鎖鑰。不至授人也。其市恩於意大利。助其獨立。用術於埃及。握其國權。亦皆為地中海蘇彝士河之運航權也。近者與杜蘭斯哇之戰。不惜糜重帑。管人命。擲獅子搏兔之全力。所以保好望角之權利也。彼波亞民族。日新月盛。驟有為南非全境主人翁之勢。英人非挫摧之。則其在非洲之權力。將墜於地也。故英國北自君士但丁。奴不。社。其南至好望角。其所行之政策。皆自保護航路而生者。

也保護航路。即使母國與屬地永不相離之第一著也。

英人之所以汲汲者。又不徒在海權而已。於大陸交通機關。亦絲毫不肯讓人。近以俄人西伯利亞鐵路將成。思所以抵制之。乃擬築一大鐵路。自亞歷山大利亞。經波斯灣沿岸。橫貫印度。接緬甸。由瀘州出揚子江。以通上海。一以鞏勢力于印度。二以張威權於波斯灣沿岸諸國。三以通血脈于支那。而現時印度境內已成之鐵路二千餘英里。實利用之。以為此路之一部。其規模之宏遠。實有使人驚歎而不能措者。英國工商之國也。無商利是無英國也。近年以來。德國美國之商業驟進。駸駸乎有駕英而上之勢。曠昔英人於加拿大澳洲印度埃及其餘屬國保護國。皆專握商權。近則國民之競爭愈劇。新屬地之貿易。容易不肯為母國之附庸。故今者英國商務。除澳洲印度外。皆日見減色。於加拿大古巴為美國所奪。於亞爾焦利亞為法國所奪。於南美為德國所奪。其在澳洲能保其舊位者。不過其地之民。與母國同嗜好。同習慣。故日用飲食之品物。多取給於母國云爾。然則英國今日之政策如何。英國自二十年來。產業之發達。既臻絕頂。昔為世界工業之中心點者。今則變為世界資本之中心點焉。自美國行保護稅則。免出口稅者。謂之自由稅則。重抽稅者。謂之保護稅則。拒英國之貨物。英人乃以資本代貨物。美國各省所有大製造大公司。英人皆投資本而分其利。於非洲南美等處亦然。於亞洲亦然。故今日全球到處。幾無不有英人資本之安置。而其此後進取之政策。惟以擴充其工業資本兩者之勢力範圍為務。此亦不得不然之數也。因此之故。其所最切要者。在使世界各地。皆平和秩序。若夫政治樞機不完不備之地。其政府之能力薄弱。難保秩序。或官吏腐敗。苛法紛紜。則放置資本於此間。最為危險。工商之業。末由繁榮。乃不得不干預其內政。代組

織一強固而有責任之政府。於是經濟上日本謂凡關係於財富者為經濟之勢力範圍。遂浸變為政治上之勢力範圍。此其政略。不獨英國行之。而英國其尤著者也。

其二德意志。歐洲列國中。其最能發揮現世帝國主義之特性。代表近來世界歷史之趨向者。莫德國若也。德人行帝國主義之政策。不過近十年事耳。當俾士麥時代。德政府專以統一國民為急務。若夫勤遠略以馳域外之觀。鐵血宰相所未遑及也。彼非不熱心以獎勵殖民。但其殖民事業。不過為擴充商務。起見。於政治毫無關係。及千八百九十年以後。而德之政略一變。蓋經俾公三十年之經營。慘淡國權。既已整頓。國力既已充實。精華內積。而不得不溢於外。俾公之商業政策。既已使德國工商。雄飛於世界。而商業競爭之劇烈。其影響自及於政治。而政府不得不以權力保護之。然則由俾士麥之國民主義。以引起今皇維廉第二之帝國主義。亦事勢之不得不然者也。

德國雖稱雄於歐洲中原。然以無屬地故。其溢出之人口。皆移住於美國。旋同化於美人。德人徒失其國。民而於國力不能有絲毫之增益。今美國人口三分之一。皆吸收德意志民族者也。德之愛國者。怒焉憂之。漸知殖民政略之不可以已。前柏林大學教授脫來焦氏之政治學講義有云。今日國際歷史。日以發達勢。將壓迫第二流以下之國家。使其獨立。我德人徒局眼光于歐洲之天地。而未嘗放觀歐洲以外之天地。今者蕩蕩全球。幾為英俄兩國所中分。其尚有容我德人之一席否耶。此可為浩歎者也。又云。白種人必握世界之全權。無可疑也。但白種中之諸民族。果誰能捷足以得此權利乎。吾得以一言決之曰。苟無屬地於海外者。必不足以入於強國之林也。云云。

由此觀之。德民族近來之思想。可以概見矣。德人病美國之坐奪其民也。汲汲然設法以維持僑民與母國之關係。故首注力於亞非利加及小亞細亞。而寢及於南美洲及東亞大陸。自一八九〇年。與英國定非洲界約以來。君臣上下。同心戮力。以實行帝國主義。或用鐵路政略。或用殖民政略。或用商業政略。殊塗同歸。集於一鵠。僅閱十稔。而聲勢隆隆。震五洲之耳目矣。

試觀其經略小亞細亞。彼米士坡坦麻 Mesopotamia 與敘利亞 Syria 之兩地。古代文明之祖國。而今則蠻族之棄壤也。願德人用全力以行殖民政略於此何也。此地雖不及中國之豐腴。然物產甚富。適於農工諸業。其山多礦。其位置亦便於通商。且人口寥寥。士民之壓力不強。移民於此。無被其同化之患。自水陸形勝觀之。適當亞歐非三洲交通之孔道。有山河之險。為兵畧之一要區。得之者於他日世界政略占優勝焉。德人今雖以保護殖民商業為名。一有機會。則攫而納諸懷必矣。他日亞洲大陸鐵路成。自卡羅城及經波斯印度以達北京之大道既通。則帕黎斯起為三洲鐵路之中心點。握商務之樞權。此德人所夢寐見之者也。此鐵路即英國所經營者見前節德皇自即位之始。即注意於小亞細亞。故務買土耳其政府之歡心。當亞米尼亞虐殺事件之起。箱束其國內輿論。毋使傷土國之感情。當土希之戰。密援土以破希臘。皆所以為經營安息細亞之地步而已。今者實行鐵路政略於此間。自君士但丁至波斯之巴俄打一大路。其築路權及運輸權。皆為德意志銀行所得。以九十九年為期。此外附近枝路之權利。亦皆歸德國焉。小亞細亞既已為德人囊中物矣。更觀其經略南美。近十年間於南美大陸之地。德國之產業及殖民。殆為突飛之進步。雖其商務出入口

之總額。尚稍遜英國。至其投資資本之多。與商業發達之速。終有非他國之所能及者。即以巴西一國論之。德人所投之資本。已在三萬萬圓以上。此資本或築鐵路。或濬運河。或修橋梁。或設銀行。或興公司。運全巴西於股掌之上者。德人也。委內瑞辣之大鐵路。德人之資本也。智利之農業。德人之營產也。亞爾然丁之土地半。皆德人之所名田也。今日德人在南美之勢力。雖不過產業殖民。而其政治之勢力。必隨之而來。此吾所敢豫言也。德皇嘗揚言云。凡德國臣民所到之地。無論何處。政府必擴張其權力以保護之。將求南美全洲。必為德意志帝國之運動場。無可疑也。

要而論之。德人之帝國主義。由俾士麥之商業政策一轉而成。其目的在以國民主義為基礎。而建一工商業帝國於其上。使充盈橫溢之民力。得尾閭以蓄洩之也。故於政治之爭。可避者則勉避之。既與俄親。又與法和。復與英聯。務調和國際之關係。使得用全力以從事工商殖民之業。此德廷君相之微意也。惟時與勢。驅列國以入於二十世紀商戰之場。而彼德國者。為英美俄列強捷足先登。頗有四面楚歌之感。故竭其全力以訓練從事商戰之兵士。及其器械。而其作戰之準備。莫急於連絡世界各地之市場。故德人向此鵠以進行。首以獎厲航業振興海軍為務。德國之航業。二十年來。徐徐增加。至近數年間。忽有一飛冲天之勢。當一八七一年。其大輪船僅有百五十艘。合八萬噸。至一九〇〇年。驟增至千三百艘。百十五萬噸。其增率之速。自美國外。未見其比也。又不惟商船之噸數增加而已。其航業政略。亦進步甚速。疇昔英人在大西洋獨占航權者。今則德國與之代興。駸駸乎有奪席之勢矣。德國本陸軍國也。但昔者惟爭強弱於歐洲以內。故以陸軍而自雄。今則將決雌雄於歐洲以外。故以海



軍為急務。蓋德國此後之運命。非徒在俄法境土。以鎗丸馬足而決勝負者也。其必在支那之海。非洲之洋。南美之港灣。鼓輪衝風實力乃見。故德皇以如茶如火之熱心。思擴張海軍。雖國民初未喻旨。不肯聽從。而其大臣每因各事變。以游說其民。皇復親自演說於各地。苦訴海權微弱。為德國之憾事。卒能以一八九八年之議會。議決海軍案。以十萬萬圓之豫算。以經營之。及此案既成。英俄亦相繼增海軍。力。美國亦破西班牙而振威海上。德人復以前案為未足。乃於一九〇〇年。即前更議決新案。依此案所經畫。則十四年後。一除英國外。德國遂為世界第一大海軍國矣。

嗚呼。德意志自建國以來。不過三十年。而其進步之速如此。觀此可以見民族主義之勢力。最強最厚。苟得其道而利導之。斯磅礴鬱積。沛然莫之能禦矣。

其三。俄羅斯。俄羅斯之帝國主義。由來最久。其初起也。雖緣君主之野心。其大成也。實緣民族之暗潮。其外形雖為侵略之蠻行。其內相實由職脹之實力。試細論之。俄國之發達。可分為三段。第一段。君士但丁奴不也。第二段。阿富汗斯坦也。第三段。支那也。俄人之欲建大帝國也。起於突厥未據。君士但丁奴不也。此猶下以前。第十世紀時。烏拉秩米第一受洗於君堡。娶東羅馬帝之女。實為俄人與君堡交涉之始。其後為蒙古所侵害。雄圖一挫。至十五世紀後半。伊凡第三又娶羅馬帝之姪。始稱尊號曰沙。用東羅馬雙鷲徽章。隱然以承襲羅馬帝統自命。然彼時突厥之勢正強。君堡遂為所陷。三四五年。俄人志不得逞。至十六世紀。伊凡第四益鞏勢力於莫斯科。號為第三羅馬。遂越烏拉山。進入鮮卑。即西伯利亞。實大彼得以前百年間事也。十七世紀之下半。彼得即位。銳意侵略。但其手段雖在侵略。其用志全在平和。以開

化國民為最大之目的。彼不徒變俄國之兵制。與俄國之海軍而已。以萬乘之尊。親赴荷蘭。雜伍傭作。學種種文明技術。傳之於本國。大彼得之主義方針。即俄國二百年來之主義方針也。大彼得之品性。本在半文半野之間。俄國之俄人格亦然。雖然。彼常以平和為競爭之手段。以開發內國為對外競爭之本原。其欲出君堡也。欲出極東之遼東半島也。皆繼大彼得之遺志。藉此以開化歐俄。歐地之在。及鮮卑也。大彼得得常言。吾之所欲者。非陸而海也。故既突進於波羅的海。復略格里迷亞。汲汲然欲出於黑海。其目的實

在繁殖內地。而以君堡為世界商務之中心點也。

抑俄國之漲進。不在工商業而在農業。俄人土著之民也。非有地面。則不能揮其勢力。其工業近年雖大發達。出入口皆頗增加。雖然。大率益假手於外國人。而其本國所營者至有限也。俄人雖取保護稅政策。排斥外國商品。然其國內新工業仍不能起。惟舊式產業愈繁昌耳。然則俄國之帝國主義。必非如外國之欲求市場於他地也。彼雖求得市場。而亦無製造品以充物之利用之也。故俄人之經略世界。不用飛越遠攫之法。而用就近蠶食之法。無以譬之。譬諸火山。其噴口愈衝愈力。鎔石之汁。蔓延四方。而不知所終極者。俄國之情形也。

俄人有一種貴族。在其國中。最有勢力。所謂軍中門閥是也。彼等素懷野心。欲用侵略主義於亞細亞。其政府之政策。大率為此輩所鞭策。而進取之方針益強。此輩大率謀略優長。手段活潑。且與國同休戚。一國之實權。皆在其手。彼其數世紀以前。蠶食中亞細亞及土耳其也。皆非由政府之命令。不過軍人功名心盛。毅然以一身負責任。征服土民。移植俄族。先以一私人之資格。拓此大業。然後政府以政略隨其後。

耳近世黑龍江畔之侵畧。亦由謨拉威夫等私人之事業以為之前驅。然則謂俄人帝國主義全由君主之雄心而發者。尚非能知其真相也。彼其民族膨脹之力。有非偶然者也。英人之滅印也。亦由一公司以私人之資格。軍路蓋維以啟山林。百戰功成。主權斯得。然後以奉請政府其事與俄人在中亞細亞在黑龍江畔所行者正同一轍。但英國商國也。故商人開之。俄國軍國也。故軍人開之。其起於私人一也。其為民族主義一也。即我中國亦有之矣。星加坡檳榔嶼之地。皆由廣東嘉應州葉姓一族。與土蠻力戰三次。前後巨十餘年。乃開闢之者也。彼則一私人創之。而政府為其後援。故大業克成。而同族皆受其益。我則有私人而無政府。使葉族既開星嶼。不能自治。不得不拱手以讓諸英人。嗚呼。我民族非劣於他國。而有壓之使不得派進者焉。此可為浩歎也。

由此觀之。俄人之帝國主義。其主動力有三。一曰君主之雄圖。二曰民族之漲性。三曰軍人之野心。合此三者。並為一途。此必非如暴風疾雨。可以崇朝而息者也。要而論之。則俄羅斯者實代表斯拉夫民族之特性者也。斯拉夫為世界各民族中後起之秀。其前途泱泱如春潮。勃勃如圻用。隱然有蹴踏拉丁凌駕條頓之勢。當今勢力之最可怖者。孰有過於俄者乎。

俄人於所征服之地。其馭之最有力。厚遇其酋長。授以官位。結其歡心。寬待其土民。多興工業。使食其利。因其性不易其俗。隨其教。不易其宜。務使之知俄族之可親。以生其嚶嚶向內之心。故當其侵略之始。恒用絕大蠻力。當頭一棒。使畏俄國之威。其既得之後。則用啾啾煦煦。寬大羈縻。使懷俄國之德。故俄人在亞洲所得屬地。能使其土民。忽與俄同化。固由俄俗本為半歐半亞之種。與亞人易於混同。亦由其深察亞人之性質。習慣得其道以馭之也。以視英人德人等之自尊大。自表異。而屢憎於人者。其手段之強弱。優劣。殆相去萬萬也。故歐人謂俄國為殖民事業成功最多之國。非虛言也。

其四。美利堅。距今二百年前。歐人有以愛平等愛自由愛進步愛活動為目的者。相率而遷於新世界。歐人常稱西半。其子孫日漸滋殖。日漸漲進。一戰而建獨立自治之國家者。華盛頓時代也。再戰而實行平等博愛之理想者。林肯時代也。三戰而掌握世界平準。日本所謂經濟。今之大權者。麥堅尼時代也。美國之地理之人民之歷史。皆有其不得不然之結果。昔以農業國得名者。此後二十世紀中。忽變為工業國商業國實而言之。則美國者實將來平準界中獨一無二之大帝國也。

麥堅尼之帝國主義。非麥堅尼一人所能為也。美國民族之大勢。有使之不得不然者也。平準學大家波流氏曰。美國昔以其食品若我歐洲之農業界者。今其製造品。且將以滔天洪水之勢。淹沒我歐之產業。使無餘地矣。蓋美人商業進此之速。實為古來所未有。一八九九年與一九〇〇年比較。一年之中。其出口貨之增。實四萬萬零六百萬圓。其製鐵事業之壯大。以寒歐工之胆。自近世託辣士託各公司聯義之制行。平準界之組織。一變。世界之貨幣。盡吸集於美國。紐約芝加哥諸大市。遂為全球金融銀行。字地日本以易之。此兩之中心點。而平準大權。竟由歐而移於美。今日對美政策。實全歐公共之最大問題也。又不惟歐洲而已。其在東方美國之物品。亦日增月盛。中國者。入滿洲者。入西伯利亞者。入日本者。其率皆驟進。如煤油烟草之在日本。開礦機器鐵路材料等之在滿洲。其尤著者也。彼其勢力之在東西兩洋者如此。兩洋之人驚駭之。而如嫉之者。又如彼。然則美國人之自視果何如。昔猶未能自知其力之如此。雄且鉅也。今則其國民之多數。皆以財界牛耳自任。元老院議員洛知氏嘗言。一吾美今與歐洲商戰。方始交綏。諸國出死力以敵我。吾之準備。一刻不容稍懈。非使全世界各國之民皆服從於我國財力之

下則不可止也。云云。雖其言不無太過。然亦可以見美人之意嚮焉矣。

麥堅尼審此大勢。因風潮而利導之。其與西班牙戰也。決非欲滅西班牙而擴美國之幅員也。實欲得商業政略所不可缺之地也。故其政策能得國民多數之贊成。為有識者所許可。及其再舉大總統時。司法院乃至下新注釋以解憲法。使其得免舊論之束縛。而自由無礙以實行帝國主義。亦可見此主義為全國人之公言。而非一人一黨之私言矣。麥堅尼之併夏威夷。即檀香山。日本取菲律賓。所以握太平洋之主權。而為東方商力之基礎也。前此美國勢力。全發揮於歐洲。固由其民族相切近。亦由大西洋為文明之中心點矣。美國東部先發達。職此之由。今則文明之中心。移於太平洋。故美國之文明。亦日趨於西部。麥堅尼以為亞細亞者。世界第一大市場也。吾美欲占一席位於此間。不可不先謀根據之地。其奪菲島也。實將以馬尼刺為美國一支店。以壓倒香港新加坡。而為泰東之主人翁也。故一面併夏威夷為中站。一面開尼卡拉運河以通兩洋之氣脈。一面獎厲太平洋航業。設太平洋海電。以通往來。其政策皆一貫。其經略皆偉大。美國之前途。誰能限之。

或疑麥堅尼主義與門羅主義相反對。其實不然。門羅主義。實美人帝國主義之先河也。夫門羅主義。何自起乎。一千八百二十三年。美國大總統門羅宣言曰。歐洲列國。現在西半球所有之屬地。吾美不干預之。雖然。若其地既已獨立。而為美國所認者。歐洲列國或干涉之。則是對於吾美而懷敵意者也。云云。夫美國果有何權利而為是宣言乎。無他。美國不徒以己之獨立而自足。隱然以南北兩大陸之盟主自任。以保護他人之獨立為天職也。是實帝國主義之精神也。既欲防他國之干涉西半球。勢不得不先

握大西太平洋兩洋之海權。故其縣古巴。攫菲島。實皆此主義之精神。一以貫之者也。麥堅尼最後之演云。吾國之生產力。其漲進實可驚。我輩不可不盡全力以求新市場。此實今日最緊切之問題也。商業之漲力。壓迫我輩。我輩非以博大之智識強毅之心力以應之。則吾國今日之勢力。將有不能維持者矣。云云。今也麥堅尼雖死。而帝國主義不死。屏足而立。相繼而起者。人人皆麥堅尼也。美國之前途。誰能限之。

此四國者。今日世界第一等國。而帝國主義之代表也。自餘諸國。或則懷抱帝國主義以進取。為保守。而尚未能達其目的也。或則為他人帝國主義所侵噬。而勢將不能自存也。全地球八十餘國。可以此三者盡之矣。要之。其君相宵旰於在朝。其國民奔走於在野者。安歸乎。歸於競爭而已。今日之能有此等龐大帝國也。前此競爭之結果也。今日之既有此等龐大帝國也。又後此競爭之原因也。蓋自人羣初起以來。人類別為無量之小部落。小部落相競進。為大部。大部相競進。而為種族。種族相競進。而為大種族。復相競進。而為國家。進而為大國家。復相競進。而為帝國。進而為大帝國。國家者。State之義也。帝國者。Empire之義也。其性質各不同。自今以往。則大帝國與大帝國競爭之時代也。脫來焦氏所謂國際歷史。勢將壓迫第二流以下之國家。使其失其獨立。觀第二論。誠哉。天地雖大。而此後竟無可以容第二等國立足之餘地也。

夫競爭之劇烈。而不可止。既如是矣。而其競爭之場果安在乎。歐羅巴者。十九世紀前半期之舞臺也。若神聖同盟也。俄普奧。若三角同盟也。法奧意。若俄法同盟也。若拿破侖之役也。若德意志。意大利。統一之役也。若塞爾維亞。亞門的內哥。獨立之役也。若普法之役也。若波蘭問題也。若愛爾蘭問題也。若土耳其問題也。

題也。若埃及問題也。埃及在上古時代常附屬於東洋史之範圍。凡兵家所衝突。政治家所捍衛。無一不在於歐洲。近三十年來。則全歐均勢之局定。而紅鬚碧眼兒之野心。皆飛騰於歐洲以外之天地矣。歐洲以外地非小也。然比亞美利加澳大利亞兩大陸。久已變為第二之歐洲。主權既定。且將競人而非可競於人矣。於是游刃餘地。僅有南亞美利加亞細亞之三土。南非洲。其位置無可以為世界競爭中心點之價值。然南美之巴西智利委內瑞拉亞細亞之土。其利權固已為德人鐵血政略所鑄。非洲內地公果立國。戴白人為君王。而德英法相轉轡相馳。逐於此土者亦既有年。比康士非德。英前相與格者之南非政策。且釀為英杜之爭。至今風潮未平矣。美猶如此。非猶如此。而况我亞天府之與區者耶。亞洲競爭界之第一期。在於印度。法人在印之殖民政略。既已失敗。英人受之以雄一世。諸國如嫉之念起焉。俄人越烏拉山。騫進於中亞細亞。隱然有附印背而扼印吭之勢。於是波斯阿富汗遂為英俄競爭之燒點。英人之擴權力於中國者。其初亦不過經營印度之餘力也。鴉片戰役以前。廣東互市之事。皆東印度公司之附庸也。而法人之初插足於安南暹羅。亦不外欲與印度爭利也。然而亞細亞人之主權。則已去其半矣。大勢所趨。愈接愈劇。及競爭之第二期。而重心點專集於中國矣。俄人以堅忍沈鬱之性質。佐以眼明手快之政略。首看破中國之暗弱。先登提足以逞侵噬。其圖中國也。凡分兩路。一曰由東北方者。滿洲一帶是也。二曰由西北方者。自西伯利亞以及伊犁新疆帕米爾喀什噶爾一帶是也。以言乎第一項。則愛理條約以前之事。且勿論。愛理條約乃咸豐八年黑龍江將軍奕山。巴久吾別有俄羅斯侵略史言之。當咸豐十年。英法聯軍入京之役。俄使伊格那夫詭稱調停和議。欺總。甚詳此又專論近勢無暇詞費也。

署諸臣更訂界約。以為報酬。割烏蘇里江興凱湖白稜河瑚布圖河琿春河圖們江以東之地。奄有朝鮮日本沿海數千吉羅米突之廣野。其所得乃遠在英法二國之上。於是海參崴之市場。始建立焉。及光緒廿二年。乘日本戰事後。市還遼之恩。李鴻章遂與俄使喀希尼訂秘密約。所謂中俄密約者是也。以此條約而滿洲之實權。遂全歸俄人掌握。未幾引起膠州之役。俄遂藉口以攫旅順口大連灣於懷中矣。以言乎第二項。則西北一帶。自雍正五年以來。為界約及互市章程交涉者凡十六次。恰克圖為西伯利亞往來孔道。俄人設行棧於各處。卡倫壟斷其利。懷柔諸酋長。給以兵器彈藥。設電線以通本國。前年且有要索恰克圖達北京鐵路權之議矣。而伊犁一帶。自崇厚曾紀澤兩次交涉以來。雖名為回復主權。而實則俄人與彼之關係切密於中國者多多矣。自滿洲鐵路條約既定以後。西伯利亞鐵路線。其鉅離縮短五百四十俄里。且工事加易。料費大省。而彼得以來。二百年間。苦心焦慮。欲求一無水海港而不可得。遂以巴布羅福之條約。咄咄安坐而得亞洲第一之旅順港。自此以往。而俄人盡將其東歐政略。即巴與耳。其較暫置腦後。養精蓄銳。以從事於遠東。既得旅順。俄人遂有為海軍國之資格。於是定計自一八九三年至一八九九年七年之內。備四百六十一兆零十萬羅卜。俄幣以為海軍費。九六九七兩年。復增加二千六百萬。九八年復增加九十萬。惜羅駸駸乎有於陸上海上皆以東洋主人翁自居之意矣。其次為英國。英國當中日戰役以後。政略稍因循。勢力幾墜於地。及膠州起釁以後。漸有一飛衝天之概。計光緒二十三年之間。英人所得大利益於中國者凡七事。其一與總理衙門定約。揚子江地方不許讓與他國。其二內地江湖河川許其通航自由。其三緬甸鐵路延長之以達雲南大理府。復由雲南經楚

雄甯遠以通四川。其四。開湖南為通商口岸。其五。定總稅務司赫德之位置。永用英人。其六。租借威海衛以抵抗旅順。其七。租借九龍以擴張香港。數月之間。而其權力已深入鞏固。而百年大計。於以定矣。其前乎此者。固非一朝一夕之故。其後乎此者。又豈得尺得寸而止耶。

此外德國則專用強暴手段。如膠州之役。以兩教師而索百里之地。義和團之變。德皇誓師謂當留百年恐怖之紀念於支那。是其例也。美國則專用籠絡手段。如列強競占勢力範圍。而美國不與聞。今次賠款而美人以所應得者還諸中國。是其例也。若法蘭西若意大利。雖其帝國主義之內力。不及此諸國。然以世界競爭中心點之所在。亦眈眈注意焉。日本者世界後起之秀。而東方先進之雄也。近者帝國主義之聲。洋溢於國中。自政府之大臣。政黨之論客。學校之教師。報館之筆員。乃至新學小生。市井販賈。莫不口其名而艷羨之。講其法而實行之。試問今日茫茫大地。何處有可容日本人行其帝國主義之餘地。非行之於中國而誰行之。近者英日同盟之事成。黃白兩種人握手以立於世界。亦可謂有史以來。未有之佳話也。然試思此佳話之原因若何。其結果若何。豈非此新世紀中民族競爭之大勢。全移於東方。全移於東方之中國。其潮流有使之不得不然者耶。而立於此舞臺之中心者。其自處當何如矣。今日之競爭。不在腕力而在腦力。不在沙場而在市場。彼列國之所以相對者。姑勿論。至其所施於中國者。則以殖民政略為本營。以鐵路政略為游擊隊。以傳教政略為偵探隊。而一以工商政略為中堅也。列國之行殖民政略於中國也。自割香港開五口。以至膠州旅順大連威海以來。四十年間之歷史。多有能道之者。茲不具論。惟論其性質。夫殖民云者。其所殖之民。能有人而非有於人也。何謂有人。凡殖民之所

至則地其人。其人富其富。利其利。權其權。如歐美人之在中國是也。何謂有於人。充其地之牛馬。而為之開耕。備其人之奴隸。而為之傭役。如中國人之在外洋是也。嗟夫。有競爭力與否。豈必在人數之多寡哉。試以外國人在中國者。與中國人在外國者。列為兩表。以比較之。而觀其結果。有使人瞠然失驚者。

外國在中國商店及人數表 據千八百九十八年一月統計 香港不在內

英	國	商店數	四、九二九	人數	九五〇
德	國	商店數	三、七四〇	人數	九七五
葡	萄	牙	四	一、一〇六	
日	本	商店數	四	一、五六四	
美	國	商店數	三、二	六九八	
法	國	商店數	二、九	四三九	
瑞	典	挪	威	三六二	
西	班	牙	商店數	一一六	
俄	國	商店數	一一六	一一六	
合	計	商店數	五九五	一一、六六〇	

中國在外國人數表 未得統計 報告不能確指 姑就所知 舉大略 英國香港及俄屬東三省之地不在內 約八十萬人

安南	約二十萬人
南洋群島 <small>英屬荷屬合計</small>	約六十萬人
菲立賓群島	約二十萬人
澳大利亞洲	約四萬人
日本	約七千人
英屬加拿大	約四萬人
美國	約三十餘萬人
墨西哥	約一萬人
中亞美利加 <small>巴拿馬</small>	約一萬人
南亞美利加 <small>秘魯智利巴西等國</small>	約十萬人
印度	約一萬五千人
南阿非利加	約三千人
太平洋群島 <small>檀香山及其他</small>	約四萬人
西印度群島 <small>古巴夏灣拿一帶</small>	約十五萬人
合計	約二百五十餘萬人

試合兩表觀之外人之來者不及我旅民二百五十分之一。不及我本國人數五萬分之一。且分為十數

國其最多者惟英。不過數千人耳。又散處於廿餘租界之中。計每一口岸。多不逾千。少不及百。而制度釐然。隱若敵國焉。我民所至。動以億計。而不免於為人臧獲。若是者。豈能盡歸咎於政府之無狀哉。蓋吾民族之弱點。亦有當自省焉者矣。何也。彼各國之以殖民者成績者。皆其民自以私人之資格。開闢斯土。然後政府以政略從其後也。英人割香港及五口通商。仍今則民族之爭。愈接愈厲。吾國二萬里之地。開門以待他族之闖來。而環球四大洲之中。無地可容吾人之投足。吾昔游美澳時。所著汗漫錄。有一條云。華人之旅居於他國及其屬地者。白人待之有二法。其一則聽其簇來而不之禁。但其既至也。則為設特別不平等之法律以苛治之。如香港南洋群島墨西哥南亞美利加諸地是也。其二則於其既至也。與本地人同受治於一法律之下。權利義務皆平等。惟限之不得至。既去不使復來。如美國加拿大澳洲諸地是也。大抵其地白人少。未經開墾。需人為牛馬者。則用第一法。其地白人多。開墾就緒。勞力之競爭烈者。則用第二法。要之中國人之不能齒於他人一也。今者 White Australia 譯言白澳洲也。巴 澳洲主義。謂必使澳洲之言又倡矣。十年以後。天地雖大。竟無黃帝子孫側身之所。嗚呼。我國民其思之也邪。其不思也邪。右一九〇一年一月四日在雪梨市會聽澳 觀於此。則殖民與非殖民之辨。可以立見。而優勝劣敗之趨勢。及中國民族之前途。從可想矣。彼歐人之殖民於我中國也。視之與其既得主權之殖民地。如印度新加坡相等。其所以待我者。則吾所謂第一法是也。彼其利吾人之耕而彼食之也。故不必藉其地。不必得其人。惟施以特別不平等之法律。以制其死命。斯亦足矣。夫歐人固未嘗全得中國之主權以歸其手也。而吾謂其能施特別不平等之法律。於吾民

者何也。彼不必用其權以壓我民使低一級。而能用其權以擡彼族使升一級。不見夫內地商賈欲得優等之權利者。則懸他國旗牌以作護符乎。不見夫內地鄉民欲得優等之權利者。則實緣入教以逞武斷乎。在外者則以下於人為不平等。在內者則以上於我為不平等。其為不平等一也。若是乎吾國之久已為印度新加坡香港菲立賓而不自知也。彼英人固以加拿大孟買加拉麻打拉薩錫蘭數口岸而制全印矣。中國雖大以二十餘租界可以生之死之而有餘。而况乎此後之租界不止二十餘也。此殖民政略之可畏如此其甚也。

靈綬氏曰。近世各國所行支那政略。皆鐵路政略也。可謂至言。豈惟支那。彼近十年來各國所以伸其帝國主義於他地者。安往而不用鐵路政略哉。彼小亞細亞及南美洲所以為德國人勢力範圍者。以鐵路權也。波斯所以為英國人勢力範圍者。以鐵路權也。暹羅所以為法國人勢力範圍者。以鐵路權也。若俄日之於高麗。則既爭此權矣。英人之欲圖杜蘭斯哇。則先覬此權矣。然則今日之中國。其割劇此權之形勢何如。請以表示之。

路名	地段	主權國
一 滿洲鐵路甲	接西伯利亞線 達於海參崴	俄國
二 滿洲鐵路乙	自旅順達牛莊	俄國
三 榆營鐵路	自山海關達牛莊	英國
四 蘆漢鐵路	自北京達漢口	比利時實俄

五 津鎮鐵路	自天津達鎮江	英德兩國
六 粵漢鐵路	自廣州達漢口	美國
七 山東鐵路	自膠州達沂州	德國
八 山西鐵路	自太原達柳林堡	俄國
九 江南鐵路甲	自上海達吳淞	英國
十 江南鐵路乙	自上海達杭州寧波	英國
十一 緬甸鐵路	自緬甸達雲南復分三派一達 香港二達漢口上海三達成都	英國
十二 越南鐵路	自安南一達廣西一達雲南	法國

此外與鐵路權相輔而行者。則曰開礦權。曰內河通航權。蓋自此等條約結定以後。而外國人之放下資本於中國者。殆六七百兆兩。此等鐵路。姑無論其以行兵為目的。以通商為目的。要之彼外人者。何以肯放擲爾許之母財於此政紀紊亂伏莽焚擾之國。而如不介意者。彼其所恃必有在矣。其資本所在地。即為其政治能力所及之地。吾若拒之。彼固有辭矣。曰吾若與通商。將以廣利益求安寧也。若能保我利益。還我安寧。吾何為哂哂不爾。則吾安得不為爾代也。若是乎鐵路政略果為實行帝國主義之良謀也。以故榆營鐵路。而英俄幾開兵釁以爭之。津鎮鐵路。英德卒持均勢以劃之。彼夢夢者猶曰。此等事業。利用他人資本。而無損於我主權。果爾。則人之竭死力以互撓奪。而絲毫不肯相讓者。不亦大愚而可笑矣乎。此鐵路政略之可畏如此其甚也。

近數十年來。中國士民以仇教為獨一無二之大義。傳教政略之奇險。夫人能言之焉。雖然自義和團以後。此事幾成偶語棄市之禁。莫有敢挂齒頰者矣。吾非如鄉愚一聞者之謗耶教。吾非如盈廷贖贖者之與傳教為難。耶教非不可採。教士非無善人。而各國政府利用此教以行其帝國主義之政策。則我國民不可不日相提撕者也。德相俾士麥。宗教思想最淺薄之人也。其在本國。剝奪教徒之特權。風行雷厲。不遺餘力。至其在中國也。乃與法人爭羅馬教護教之名義。豈所謂司馬昭之心。路人皆見者耶。果也。及其身後。而以兩教士易膠州百里之地。山東一省之權。嗚呼。歐美政治家之抱此等思想。懷此等術數者。又豈止俾士麥一人哉。四百年來。歐洲戰爭以百數。而藉口於宗教者十之八九。四十年來。中外交涉問題。以百數。而起衅於宗教者亦十八九。試一覽地圖。而比照之於歷史。凡各國新得之殖民地。其前此算路。藍縷以開闢之者。何一非自傳教之力而來。此傳教政略之可畏。如此其甚也。

昔者憂國之士。以瓜分危言。捧喝國民。聞者將信而將疑焉。及經庚子之難。神京殘破。鑿與播蕩。而至今猶得安然於湖山歌舞之下。不喪七毫。而各國聯盟保華之議。且相應相和。彼夢夢者以為瓜分之禍。可以卒免。吾高枕無憂矣。不知有形之瓜分。或致死而致生之。而無形之瓜分。則乃生不如死。亡不如存。正所以使我四萬萬國民。陷於九淵而莫能救也。夫今日之競爭。不在腕力而在腦力。不在沙場而在市場。夫既言之矣。野蠻國之滅人國也。如虎皮肉筋骨。吞噬無餘。人咸畏之。文明國之滅人國也。如狐媚之蠱。之吸其精血。以療以死。人猶昵之。今各國之政策。皆孤行也。非虎行也。姑無論其利用政府疆吏之權。以政府疆吏為彼奴隸。而吾民為其奴隸之奴隸也。即不爾。而握全國平準界之權。已足使我民無復遺

類。何以言之。二十世紀之世界。雄於平準界者。則為強國。畜於平準界者。則為弱國。絕於平準界者。則為不國。此中消息。不待識微者而知之矣。今試觀全球平準界變遷之大勢如何。資本家與勞力者之間。劃然分為兩階級。富者日以富。而貧者日以貧。自機器製造之業興。有限公司之制立。而曠昔之習。一手藝。設一塵肆。得以致中人之產者。殆絕跡於西方矣。自託辣斯特之風行。託辣斯特者。各公司聯盟以厚競爭之力也。前年英國之製鐵業。而小製造廠小公司亦無以自立矣。自今以往。五大洲物產人力之菁英。將為最小數之大資本家所吸集。至此外之多數者。亦非必迫之使為餓殍也。要之苟非搖尾蒲伏於大資本家之膝下。而決不能以自存。此實未來之暗黑世界。前途之恐怖時代。稍有識者所能見也。夫在歐美方盛之國。猶且以此問題日夜絞政治家學問家之腦髓。而未知所以救。況中國之民。不知自為計。而政府亦莫為之計者耶。自今二十年前。中國貧富之界。懸隔最不相遠。十室之邑。輒有擁中人產。號稱小康者。今則日削月窟。風景全非矣。除一二租界之外。游其市鎮。則商況淒涼。行其遂郊。則農聲顛覆。號寒啼飢之聲。不絕於耳。鸞身蕩產之形。不絕於目。吾氓蚩蚩。莫知其所由然。或曰。是由官吏之朘削也。或曰。是由償款之漏卮也。斯固然矣。然豈知猶其小者。非其大者。其大者乃在全球平準界之橫風怒潮。波及於我國也。夫此風此潮之來。今不過萌芽焉耳。而吾之蒙其害者。已如是。自今以往。何以堪之。

夫吾國人今日之資本。不足與歐美諸雄相頡頏也。明矣。然猶恃天產之富。苟能利用之。則一轉移間。而雄弱之數變焉。雖然。天產之富。非可恃也。非有良政法以導之。護之。劑之。而必不能食其利也。故各國政治家。所以講求保護政策。務以全其國民固有之利益者。皇皇兢兢焉。使本國人比較於外國人。而常



得特別優等之利益。此地主之權利。而人民所恃以生存者也。夫是以其大權。常在本國人之手。而競爭得有所盾。中國則不然。本國人非惟不能得特別優等之利益而已。而與外國人相較。此等利益。反為外人所恃。有夫內河小輪船。皆用外國旗號者何也。揚子江一帶。多用日商名義。西江一帶。多用本國名。則承辦難。過關難。滋事多。而賠累難。攤捐多。而應酬難。懸他國旗。則百結並解也。行商之多。託外國名義。何也。有三聯票。完子口半稅。而雖經千百釐卡。無所留難也。鐵路公司。官辦則一文不能集。洋款則爭趨。惟恐後者何也。明知其大利所在。而又畏法律之不可恃。不能堪官吏之魚肉。附於洋人。則高枕無患也。自餘各事。莫不皆然。似此。不過其一二端而已。夫以吾民風氣之不開。平準學理之不講。雖為政府者。日居家喻戶曉。勉其從事於各種之富國事業。猶恐其不肯擔任。或擔任而不能善其事。而況乎其繁博之而敲削之也。即使無外界之侵入。而生齒日繁。人滿為患。猶且非興新業。不足以相周相救。而況乎掀天揭地之風潮。承其後也。夫使吾不能自開其源。而亦無能攬而奪之者。則姑以俟諸異日。或尚有無窮之希望。在將來也。其奈得寸入尺。獲隴望蜀者。既耽耽相逼乎前。而政府之懾狐威者。今日許以寸明日予以尺。民間之貪蠅利者。甲也。導諸隴乙也。導諸蜀。如長堤一決。萬流注入。其勢狂奔。泛濫而莫知所屆。不見夫奕者乎。要害之地。為敵占先。數者則全盤俱負矣。今我國民。以敵人前此所下之數子。猶為閑著乎。夫既已制我之死命矣。及今知之。而補救固已大難。失今不知。而後局更何堪問也。在本國有地主應享之權利者。猶且如是。其在外者。更何有焉。吾嘗游歷美洲。澳洲。日本。諸地。察華商之情況。皆有一落千丈。不可收拾之概。比諸十年前。若霄壤矣。吁嗟。吁嗟。更後十年。又當若何。若是乎吾中國人之真無

以自存也。由今之道。無變今之政。不及一紀。而十八省千百州縣之地。勢必全為歐美資本家之領域。則夫此間之數萬萬人。所恃以瞻養殮而資事畜者。惟有鬻身入笠。充某製造廠之工匠。某洋行之肩挑。某鐵路公司之驛卒。某礦務公司之礦丁。某輪船公司之水手。其最上者。則為通事馬。為工頭馬。為買辦馬。至尊矣。至榮矣。蔑以加矣。此非吾過激之言也。二十世紀之人類。苟不能為資本家。即不得不為勞力者。蓋平準界之大勢所必然也。夫事勢至於若彼。則我民族其無唯類矣。然而政府可以如故也。官吏可以如故也。彼所取者實。而豈惟其名。所吸者血。而豈惟其膚也。所謂無形之瓜分者。如是如是。以視有形馬者。之利害輕重何如哉。嗚呼。險哉。工商。政略。之可畏。如此其甚也。

二十世紀民族競爭之慘劇。千枝萬葉。千流萬滿。而悉結集於此一點。然則吾人之應之者當如何。或曰。今後之天下。既自政治者之爭。而移於平準界之爭。則我輩欲圖優勝。宜急起以競於此。嘻。此又不知本末之言也。夫平準競爭之起。由民族之膨脹也。而民族之所以能膨脹。罔不由民族主義。國家主義。而來。故未有政治界不能自立之民族。而於平準界能稱雄者。不然。中國人貨殖之能力。豈嘗讓他人哉。而今顧若此。毋亦梗其中者多所盡。而盾其後者之無所憑也。故今日欲救中國。無他術焉。亦先建設一民族主義之國家而已。以地球上最大之民族。而能建設適於天演之國家。則天下第一帝國之徽號。誰能篡之。而特不知我民族有此能力焉。否也。有之。則莫強。無之。則竟亡。為強為亡。間不容髮。而悉聽我輩之自擇。噫。噫。吁。前不見古人。後不見來者。念天地之悠悠。獨愴然而涕下。噫。噫。吁。吾又安知夫吾涕之何從哉。初本擬著「論商戰之可畏更甚於兵戰」一篇。但其要點既已著於本論。故遂已之。著者附記。

論世界經濟競爭之大勢

雨塵子

第一節 總論

十九世紀為歐人內部競爭之時代。二十世紀為歐人外部競爭之時代。其內部之競爭。二曰被治者與治者爭而自由。曰被征服者與征服者爭而獨立。皆政治上之競爭也。外部之競爭。二曰覓無主權之地。曰奪有主權之地。皆經濟上之競爭也。政治上之競爭。其在一二國。或正當從事。其在世界。則可謂已過之陳迹也。故茲所論者。唯經濟上之競爭。

人生最要之事。其尤者為生命。自由次之。財產又次之。猛獸當前。退無所避。則懦夫可使奮鬥。其愛生命心使然也。待之以非禮。迫之以難堪。則弱者抉背。其愛自由心使然也。終日勤勤。不知勞苦。以事生業。其愛財產心使然也。國家所以立。法律所以行。人類所以相結。皆出於人民之愛生命心。愛自由心。愛財產心。其愛之甚。則其所以求之保護之者。無所制限。故競爭起焉。世界之大。歷史之久。凡人類之事業。無出此三者外者。近百年來。歐人之愛自由心最重。其鼓大風揚大浪於世界者。皆出此一念。故十九世紀政治。治上之競爭。則可代表其愛自由心最重之時代。其以前則愛生命心最重之時代。其以後則愛財產心最重之時代也。蓋三者之關係於人身有輕重。故其愛之有先後。野蠻之世。人類謀保其生命之不暇。則愛自由之心輕。近百年來。謀保其自由之不暇。則愛財產之心輕。故法律未生以前。無重大之自由問題。

立憲政治未立以前。無重大之財產問題。今也。民刑諸法條理井然。鮮生命之憂。立憲政治。權限釐然。鮮自由之憂。於是乎合國民之心力。而盡力乎財產。

嗚呼。觀今日列國之軍備。強者海陸軍各數十萬。人民之負擔。平均皆在數圓以上。而猶以為未足。兢兢然各謀擴充軍備。益增國稅。此果何故歟。其競爭之大。其力之巨。皆前此歷史所未見。以歷山王成吉思汗往日之雄較之。今日列國之實力。亦非所及。果何為而至此歟。

歷山王成吉思汗。其在往日。其力不可謂不巨。然其所以然。皆出於君主一人之名譽心。今日列國皆全國國民之愛財產心也。以一人較之全國國民。以名譽心較之財產心。則其實力之懸殊。豈足怪哉。然今日列國何為而愛財產心之切。何為而因愛財產心遂起如此大競爭力。則請先言經濟之原理。

### 第二節 經濟競爭日巨之故

勞力土地資本。生產之三要件也。雖然有同一土地。同一勞力。而國之貧富不同者。則資本不足之故也。有土地同。勞力同。資本亦同。而國之貧富不同者。則資本流通不流通之故也。近世科學日進。製造業之發達。交通機關之完備。其結果皆足以增加其資本。資本增則生產亦增。是自然之理也。然生產雖增。而消費之數。不足與之相抵。則供給過於需要。供給貨物也。需要需貨物之人也。依經濟之理。須使貨物與需貨物者和平。供給過需要。則生產之銷路為之滯。而資本虧折。是經濟上莫大之害也。故生產之增加。則必因其增加而為之求生產之消費者。十世界。因供給之多。而求需要。因商工業之發達。而求市場。此其第一原因也。近世人口之繁植。日為列國憂國者所慮。然人口日增。則生產日盛。於經濟上無所損也。唯於土地有報酬漸減之規則。

報酬漸減之規則者。因地力有所限。今日以若干之資本。若干之勞力。注之。其所得者幾何。他日倍其資本。倍其勞力。而從事。其所得必不能倍於往日。且至一定之程度。而地力盡矣。故欲求生產之增加。則不可不闢新地。前者之求市場。求生產之需要也。此則求生產之供給。蓋生產之需要不足。則銷路滯。而商工業弛。供給不足。則原料少。而商工業弛。其害一也。此其第二原因也。

今日歐洲列國之所以如飢鷹如餓虎汲汲然求逞其欲於世界者。其原因皆不外此二種。其所以然。非政治家之野心。軍事家之野心。而商工業家之野心也。其所謂工商業家。非多數之勞動者。迨于求食之念。乃少數之資本家。求資本之繁殖也。嗚呼。吾往日見專制君主之威勢之野心。為可畏。今日又見資本家之威勢之野心。其可畏乃更甚也。

以英人一公司之力。而能滅印度割香港。莫不嘆其力之巨。然不知今日所謂大英王國。北美合眾國。大德聯邦。大日本帝國。皆一公司也。其政府。公司之事務所也。其君與大臣。公司之事務員也。麥堅泥張伯倫。其事務員之卓卓者也。所以異者。唯其目的。非以謀國中一公司一業務之利。益謀全國各公司之公共利益也。

英之於南非。美之於菲律賓。犯天下之不韙。而不辭。棄歷史傳來之主義。而不顧。擲莫大之軍費。而不吝。果何所圖哉。是豈沙士勃雷張伯倫麥堅泥諸氏輕功好武之結果歟。是不然。全英全美國名之愛財產心之膨脹也。其政府因其膨脹而遂敢犯之棄之擲之。出此舉也。其所擲者小。其所得者大也。雖然。今日之膨脹者。豈止英美。其受膨脹者。豈止杜非。

第三節 帝國主義之由來

帝國主義既盛行於列國。凡政治家所經營。士大夫所議論。皆無不奉之為標表。世之將供此主義之犧牲者。不知其幾十國也。

近日歐洲論者。或曰。今世界因科學之進步。日覺土地狹隘。不足供人之需要。然地球表面上。尚有沃野。土肥人稀。吾輩宜開拓之。以補不足。是吾人之天職也。或曰。野蠻智識薄弱。無開發天賦富源之能力。我輩宜代之開拓。方足完文明人之義務。或曰。劣等人種之受優等人種之統治。天之理也。我輩宜導之於文明。即用暴力。非所願也。所論雖不一。帝國主義之性質。於理論上則誠如是矣。

歐人之帝國主義。或根尼這之極端之個人主義。或憑藉達爾文之進化論。以為口實。然帝國主義。果如是乎。帝國主義。實言之。則強盜主義也。因己之不足而羨人之足。因己之膨脹而羨除世之不如己者。乃有所謂文明所謂野蠻所謂天職所謂義務等議論以文之。今一述歐人膨脹之內情。以明帝國主義盛行之故。

十九世紀之初。白人之總數。除南美及墨西哥外。為一億七千萬。及十九世紀之末。增加至五億一千萬人。而今日諸強國。則其增加之程度如左。

國名	十九世紀之初	十九世紀之末	百年增加之比例率
法蘭西	二千五百萬	四千萬	一六
英吉利	一千五百萬	五千五百萬	三六

德意志 二千萬

五千五百萬

二七五

北美合眾國 五百萬

八千萬

一六

俄羅斯 四千萬

一億三千五百萬

三三七五

故依此比例率求之。則百年以後。列國人數。皆多於今日一倍以上。合白人總數計之。則此世紀之末。當在十五億萬以上。其人口之增加。實如是其速也。而百年來資本之膨脹。殆又甚之。資本增加之程度。尚故歐人。苟不外關新地。未資本之銷路。則百年以後。其人民無復有立足之地。其資本無復有可為之事業矣。是帝國主義之所以行於列國也。是經濟競爭之所以劇也。是其競爭所以不在歐洲美洲。而出其外也。

近日論者。謂十九世紀民族主義之大發達。今日帝國主義。亦其所胚胎。夫民族主義者。前世紀政治之競爭。其大半皆由此帝國主義。即民族膨脹之結果也。然民族何以膨脹。則全屬經濟上之問題。帝國主義。因經濟之競爭而行於列國也。

第四節 軍備與商工業之關係

近世財產心之膨脹。帝國主義之盛行。其目的不在領地之開拓。而在貿易之擴張。其他既足收容我人口。注入我資本。則不必奪其地之主權。放任之可也。保全之亦可也。安可據古時民賊輕功好武之成例。以概今日列國哉。

列國之汲汲於軍備。皆為財產膨脹而起。既於前言之。其軍力不足。則國之貿易不得而發達。其貿易不

發達則兵力亦不得而強。今日之軍備。非若昔之可驅民而為之也。募一兵。訓一卒。造一艦。製一砲。皆宜先拂若干價值。而戰時之費用又過之。是故非有莫大之報酬。則民必不堪其負擔。非有無窮之希望。則亦無賴乎有兵也。今日之世。兵賴商。商亦賴兵。而成此經濟競爭之形勢。

中國人有言曰。今日之世。兵戰不如商戰。夫兵惡有所謂戰哉。庚子之役。八國聯軍攻北京。北方塗炭。其戰者雖兵。其戰之目的非兵也。英之於杜美之於西。其戰者雖兵。其戰之目的非兵也。列國因求貿易之發達而有兵。復因求貿易之發達而有戰。故其舉措。其政策。推所原由。幾無不從貿易而起。英國殖民大臣張伯倫于下議院有言曰。王國諸官職。無不關係於貿易者。外務部。殖民部。以發見新市場。保護舊市場。為要務。海軍部。陸軍部。以防禦市場。且保護貿易為要務。農務部。商務部。以謀二大實業之進步。為要務。故謀易者於政治上最大之利害問題也。夫豈獨英國。吾知世界列國皆如之。吾又知世界列國。不如此殆不足以立國也。

欲知列國經濟競爭之狀況。又有宜注意者一事。即海軍之漸重是也。民族主義盛行之時。輒政治嚴列國所爭。不出乎歐洲大陸以外。故所重者唯陸軍。其所謂軍備。陸軍而已。及經濟競爭漸鉅以來。歐洲列國。知國家之生存。非賴海軍不可。知無海軍則不足以守海外殖民地。不足以禦外敵。將如西班牙之見窘于美人。而國以坐斃也。于是乃忍汲汲于海軍。其最得先着者為英國。列國次之。最後者為德國。前年德皇宣言云。帝國自後之權力。將移于海上。其議院幾度可決海軍增加之案。其強據膠州也。人皆以為帝國主義之實行。增長在東洋之權力。而不知其於國內主唱海軍議者。亦因是而大揚其鋒也。

往日列國之用海軍。專以攻擊敵之海岸。以防礙其貿易。今國際公法日明。鐵道之勢力日廣。能漸減海軍之壓力。故其效用。不在攻敵。而在自禦。不在防敵之貿易。而在保護己之貿易。故今日無海軍者。無貿易。英國殖民之強盛。中國海外商業之日衰。皆是故也。

貿易之尤賴海軍者。為保護航路之一事。夫今日列國國民。知坐守本國之待斃也。因而求市場于海外。其求之與其所以保護之者。無不宜航路之安全。故海軍與航路所尤為其必要。近日英國對俄人之露食而保君士但丁。據酒布拉斯島。皆所以保地中海之航路。圖本國與印度交通之安全也。其親交意大利占領埃及亦然。其致力於南非亦然。美國之併古巴。吞布哇。嶺非律賓。皆因擴太平洋貿易。而求休息所也。德之帝國政畧。亦以求海軍根據地。而安全海外航路。以發達其貿易也。香港。膠州。威海衛。旅順。大連灣。政府擲之不可惜。而彼所謂海軍根據地。貯炭所。皆得之于握手。而遂握太平洋全權。使其交通歸于安全。貿易日以發達。而我漢族遂亡于列強經濟競爭之下矣。

要而言之。處今日之世。而欲求自存。則必發達其商工業。唯求商工業之發達。故始大增軍備。非其軍備之可駭。其商工業之可駭也。使歐人資本不膨脹。不求貿易市場於他洲。則其兵力雖強。必不至騁雄於遠東。而洲亞東陸。仍可安枕無事也。然勢之所迫。令彼不能坐食而自斃。遂鼓大浪于東洋矣。

第五節 經濟競爭之中心點

歐洲地位苦寒。常不廢人謀生之念。故其人常羨外而厭家。自中古之時。豔聞印度之富。既羨之。慕之。葡

洋也。其目的亦在通印度。然印度仍不通。而發見意外之亞美利加。其朝暮垂涎之地。乃至近世。始歸于英人。獨得之手。歐人羨之妬之。莫知所極。而印度之東。忽有第二之印度。其地廣。其產博。其人多。而工廉。為帝國主義之目的。較之印度。有過之無不及也。於是乎自甲午大敗以來。列國經濟競爭之中心點。一轉而至于太平洋。注乎中國。

歐人之初貿易于遠東諸國也。非英吉利俄羅斯德意志美利堅諸國民。西班牙葡萄牙和蘭諸國民也。初不過乞通商博微利。無政治上之野心也。自屢敗以後。列國知睡獅之易與。乃駭然議瓜分。認勢力範圍。有政治上侵畧之意。及庚子之亂。而列國之手段又一變。前之瓜分主義。勢力範圍主義。一轉而為領土保全。門戶開放主義矣。夫瓜分之與保全。勢力範圍之與門戶開放。其利害固不必計較。而瓜分者。勢力範圍云者。皆政治上之侵畧。列國互角之手段也。保全云者。開放云者。皆經濟上之侵畧。列國共同之手段也。蓋攝於義和團之亂。知吾族之有抵抗力。而避之也。嗚呼。至是而吾國遂亡于列強共同之經濟侵畧之手矣。庸詎知經濟上之侵畧。較之政治上之侵畧。其為禍乃更烈也。庚子之亂。帝后西遷。憂中國者。皆以為必亡。然而城下乞盟。和議復就。不割其土地。不損其主權。而唯索賠款若干。勒令改通商條約。及商業諸小事。列國之欲。何其小也。然彼何嘗小哉。彼蓋深知世界貿易之中心點。將移于太平洋。而集注乎中國。幸此之亂。先定百年大計。使永為世界第一安全市場。則將世世子孫。食其利而不盡。使各割一土。滅其主權。而不經營之。則如獲石田。所得幾何。而况外有諸強之互爭。內有漢族之抵抗力。擾亂不已。為害甚大。今舉列國與中國之貿易額。而知其分割之無益也。

國名	入口貿易額	出口貿易額	合計
英國	四〇〇 一五五八七兩	一二九四五二二九兩	五二九六〇八一六兩
美國	一二四四〇三〇二	一七八二八四〇六	二〇二六八七〇八
歐洲大陸 <small>(俄在外)</small>	八五六五八〇七	二五八七八一八	三四四四三九二五
日本 <small>(臺灣在外)</small>	一七五六四二八四	一五八三三〇三四	三三三九六三一八
俄國	三四四二四四九	一六四一〇四三九	一九八五二八八八
香港	九〇一二五八八七	六〇四〇二二二三	一五〇五二八一〇九
其餘諸國	三五二二〇六七八	一三四一〇二〇六	四八五三〇八八四

此乃四五年前統計。後因庚子之亂稍減。今又大增。又列其上海出入船數如左。

國名	船數
英國	三二五七
瑞典挪威	八五九
德國	三七六
日本	二六八
法國	一一二

是故中國苟治安而不亂。則列國據此數以發達。其經濟上之發達。將無窮也。列國何苦而不保全。吁所最可悲者。其被保全者而已。

第六節 中國所受之影響

中國人種。經濟上最強悍之大種也。歐洲學者皆曰。中國人種之膨脹力。苟有善良政府監督之指導。則將橫行於世界。而莫能禦。雖然貿易從國旗之威光而盛衰者也。其國之力。不足以自存。則民之膨脹力。雖強。將奈之何。吾於前節重備與商業之關係。既言之矣。

中國廣東福建兩省之民。歲脹於海外。合南洋美洲諸處計之。不下數百萬。歐人到一地。皆能有其地之主權。中國人到一地。則為勞働。事賤役。固無論矣。而便是數百萬人。能年以其勞力之所得。滿載而回國。內地之人。能日出而不絕。則中國人之膨脹。猶未已也。而經濟競爭之日。烈。美澳各地。拒絕有色人種之法。日以甚嚴。我國人既不能復去。去者又漸次歸國。吾聞南美及英屬加拿大之中國人。較三十年以前。已減數倍。又再十年。將絕跡矣。檀香山之唐人街。極該島之繁盛。自燒燬以來。市面蕭條。不堪復問矣。嗚呼。經濟競爭之世界。竟使我國力不足之民族。不能托足於大地也。吾恐不及數十年。而中國海外之商業。將盡絕于白人矣。

海外如此。內地亦然。門戶既開。外人挾其資本以傾我國。已足制我經濟界中之死命。而又加之。以國力。我商工業之受官吏掣肘者。彼不得而掣之。且能藉官吏之力。以窘我。人之有家國也。所以保護實業。我

之有國家也。所以防礙實業。房捐地租。無所不羅掘。關卡釐金。無所不留難。以如此時勢。立如此政府之下。而欲與外人於經濟爭強弱。豈不難哉。故不數十年。而中國內地。將全歸外人資本之支配矣。外而不能脹。內而不能守。最強悍之漢族。今竟無以自存也。吁。是誰之咎歟。

第七節 自存之道

中國不為外人政治上之領土。而為經濟上之領土。不支配於外國之政治家。而支配于商工業家。想中國之前途。不能不為之寒心。雖然。以如此強悍之民族。而竟無自存之法。吾不信也。西人評中國人曰。彼雖撲之於地。鞭之撻之。極其恥辱。而彼已從地下攫金而去。是天生能貨殖之人種也。以固有之貨殖。力據固有之沃土。以爭霸於經濟界中。固何圖而不可。吾願吾國人。勿自衰也。吾國人處經濟競爭之世界。求自存之道。蓋有二要。

一去依賴政府之心。外人之政府。所以謀公共之利益。其海陸軍。所以保護貿易者也。故政府賴商工業家。商工業家亦賴政府。兩相依賴。兩相保助。而國力以強。中國政府。不知依賴商工業家。亦不能保護之。其羅款項抽釐稅。皆儘其力之所能及。百端摧折實業。而不顧。故我國民。欲振興實業。而依賴政府。則萬無可興之道矣。雖然。經濟上之事。政府干涉之而受益。政府放任之亦受益。以資本力而行權於國。固何求而不得。是故有政府。不得商工業之保護。而良亡。無商工業。不得政府之保護。而良弱。而況我國。以人種之關係。歷史之仇怨。固萬無可使政府與民間商工業家。兩相依賴之理也。英人以一公司之力。能滅印度。割香港。願我國經濟界中人。一鑒之。

生計

六

二以自族之力保固有之土地財力。孟子有言。吾弟則愛之。秦人之地則不愛。愛親不及疎。人之恒性。夫安足怪。故自族之土地權力。自族不能保。則無人能保之。近世歐洲意大利之獨立。日耳曼之聯邦。皆以同一種族。建一國家。民族主義之勢力。大振于已往之政治界。吾國之不振。非歐族使之然。自族不能建國家之故也。歐人不於十九世紀中。大振民族國家之勢力。則二十世紀中經濟競爭。必不能強橫至此。於經濟競爭世界中。爭自存者。皆宜如此也。

凡此所言。固多經濟上之言。於政治上似無關係。雖然。二十世紀之政治。非政治之政治。而經濟之政治也。觀帝國主義所由來。列國軍備所由盛。則今日捨經濟外。更無所謂政治也。吾願國之有政治思想者。一聽予言。

壬寅新民叢報全編

實業第十二

英國商工業發達史

序論

今日之世。不能立足于商工業界者。其國殆可以立亡也。歐洲諸國。張巨軍。運大資本。逐逐然騁其欲于大地。開闢美洲。割據非洲。併印度。據南洋。近及于支那大陸。其經營之也。皆無非出于商工業界之野心。其強梗之政府。巨大之海陸軍。皆所以為商工業界之後勁也。英國殖民大臣張伯倫之言曰。英國諸官衙。無不關係于貿易者。外務部。殖民地部。以發見新市場。保護舊市場。為要者。海軍部。陸軍部。以防禦市場。且保護貿易為要者。農務部。商務部。以謀二大實業之進步。為要者。故貿易者。政治上最大之利害問題也。各國民欲求自存。則不得不發達其商工業。因商工業發達。而求貿易市場于外。因求貿易市場。而不得不立強梗之政府。備巨大之軍備。自今二十世紀以後。列國商工業之競爭。將日鉅。世界政治上之問題。皆不外經濟上之問題矣。

今日以後。二十世紀中。握海上霸權。稱商工業界之王者。吾固不知其何國。然近百年來。以煤與鐵。供給于世界。以新器之發明。工人之精強。發達其工業。而又行之以自由政策。賦之以天然地勢。遂使區區三島。稱海上商業之王者。則無不知其為英吉利王國也。自美洲發見以後。東洋航路既通以來。其首握海上商權者。為葡萄牙。西班牙。其次為和蘭。至十九世紀。則全屬英吉利矣。



據近日之形勢以測將來則近數年間有最新之現狀顯焉一德國之突進是也二美洲合眾國之日盛是也三斯拉夫人種之雄飛是也德國之商工業之貿易（以外國無論）其進步之速高出于他國俄羅斯之銳進有黃河直流百堤莫禦之勢條頓種之事業有多為斯拉夫人種所破壞者美國則近日之商工業皆足以排英人自托拉斯特之法興而英國之同業者皆為其所苦說者謂二十世紀稱強世界者在陸為俄羅斯在海為美國以今日國民偉大之魄力國家之組織而推其結果則其大也較昔日之羅馬帝國今日之英吉利帝國而皆過之嗚呼英人之勢固不可期其長存也而況今日以人工之廉物產之富國民之特性彼瀕死之支那或有崛起之日也是故英人之強盛在今日以前而不得聯想及今日以後其商工業如何發達如何全盛皆屬過去而非將來也然而其今日以前發達隆盛之狀況則誠足以炫耀于世界今無數國民讀之尚增長其識力而知所以取法也

吾國人既具實業上之特性而又處商工業如此重要之時勢且屢敗以後列國之所以經營于我者皆不外經濟上之事業則我國民即不欲膨脹亦宜求自存而況近日國人理想之日卑道德之日壞愛國心之日薄推其原因皆出于商工業衰頹國之經濟日衰之故此中有至理中國人無有能知嗚呼觀他人隆盛之歷史甯不可自振歎故記此史欲我國民知他人往日之經驗而重觀念之不然又何必記他人之興盛以增予愧

例言

既稱為英國商工業發達史則與商工業史異商工業史者記其自古至今商工業之狀況凡關係者皆

詳錄之其進步與不進步非所計也其時代亦非所計也商工業發達史則專述其發達之狀況無進步者不錄進步以前之時代不錄故自工業革命之時起以前之事畧記其要以後之事凡所記者則詳論之又有一言須論及者即商工業之與政治是也夫稱之曰商工業發達史則所記者只英國商工業如何進步之狀況國政之變遷似非所及而此書所述于政治之關係於實業者反獨詳備而民間實業之事固非不論或有甚略者蓋此作之目的原欲使國人知政治上商工業之重要也且苟知英國國政之事多關係于實業者則于此當無嫌然

第一章 十七十八兩世紀間英國商工業之狀況

一 西班牙之戰爭

十六世紀之末年哀理查白女皇與和蘭結攻守同盟之約時千五百七十九年以當西班牙亦按當時之葡萄牙此同盟之精神名雖以宗教相連合實則當時之王及政治家其着目已在宗教問題以外此同盟結後英國之船長如托列克等皆以海賊之行對西班牙之商業加以防礙以滅亡其商業為殉國之義舉若東洋之西班牙葡萄牙商業僅足以為英及和蘭之嚮導者而不足以有其權而此時和蘭之事業多成功英國亦與特許于列晚德公司及東印度公司矣

當時英與西之戰雲頗急英國容哇兒達拉列之議銳意行北美之殖民事業其肥忌尼亞之措置屢敗而屢不捷遂于一千六百九年因倫敦公司而告成千六百二十四年成英國殖民地而更膨脹遂自阿列瓦尼山嶺出大西洋瀰滿于全海岸此時東洋印度公司之根柢亦漸固到處設英國之代理商店而

尚未與西班牙及葡萄牙相衝突也。後東洋印度公司與查理斯二世。異其攻守之利害。遂有自決和戰之權。而該公司之敵甚多。各地之土人。與歐洲中法蘭西人。皆其勁敵也。

英人之攻擊西班牙者。以格林威爾為嚆矢。初。賈斯一世。怯懦不能言戰。查理斯一世。亦不能信其人。民之忠勇。皆不事戰爭。至格林威爾。迫于清教徒之思想。及商業家之熱望。對西班牙宣戰。彼時所要求者。乃英人在西班牙之殖民地。得通商自由及信教自由也。西班牙人果拒絕之。格林威爾遂于一千六百五十五年。圍者買加以救古巴。遂得立脚地于西印度。又乘西班牙與法蘭西之交戰。畧取但加克。握海峽之獨占權。而排友邦之和蘭人。後。賈但加克之無用。乃于查理斯二世時。復賣之。

#### 二 和蘭之戰爭

西班牙人既敗。格林威爾。猶不足以滿意。再激商業之議。遂與和蘭人開戰。顧和蘭之與英。乃久結攻守同盟之國。英人之政治家。以為必欲滅之。而後可長英之勢力。後和蘭人敗。格林威爾之目的。遂達。自一千六百五十二年。至一千六百五十四年之間。不過二年。和蘭之勢力。猛退。而英復發航海條例。以困之。海條例。千六百六十四年。取紐約。後查理斯二世時。復屢交費。和蘭終不復振。二國間之勝負。遂大定矣。

#### 三 維廉三世及安女皇之大陸戰爭

賈斯二世。幽廢後。英國所以與大陸起戰爭者。因阻礙路易第十四之富強也。蓋維廉一世。知路易第十四之強。有害于英國。欲掣其肘。而又恐西班牙以其財源。供給路易帝國。極力防之。時西班牙之繼位戰爭。連結不解。若法西之同盟成。則於英有二害。一。斯倫阿家。得路易第十四之援助。而恢復英國帝位。

對專制王治及宗教擅政。有再起兵事之虞。二。英國之商業發達。將受其防礙。有全滅之虞。故深防之。而幸而斯倫阿家之蠶食。幸免。兩國之戰爭。亦于一千七百十三年。結局。英國占的布。拉達之天險。為印度帝國及荷德孫灣所領之鎖鑰。立取加拿大之基礎。更於西班牙得二權利。即與西班牙殖民地之貿易。及每年派一貿易船。一次于南海港是也。此戰爭所用軍費甚巨。且起爾來。與美國之富強。然其為商業上之成功。則固昭昭然也。

#### 四 戰後貿易之膨脹

戰爭之中。英國貿易。忽一旦膨脹。于地中海。有土耳其及伊大利之貿易。于非海。有和蘭日耳曼俄羅斯。及那威之貿易。西半球。則通商于亞美利加。及西班牙殖民地。東洋。則往來于印度亞刺比亞。及阿非利加。公司之創立。不勝枚舉。而交戰中所蓄之資財。至是。憂其何以消用之道矣。

當時公司之最著者。有南洋公司。立于一千七百十一年。以南美貿易為目的。該公司之總事人。以為必獲巨利。議借七百五十萬磅于國。供國債之一部。而不意有破產之變。全國之資本。皆將入于投機之業。無數之小公司。朝起暮倒。經濟之界。舉國如狂。而其極。反來商業之衰微也。

當時英國事業。暴起。或創三百萬磅資本之公司。若萬一耗損。則以其奴婢償之。以與人契約。或欲起醫菜魚肉業。或欲栽桑樹。起養蠶業。或欲自西班牙輸送牡驢。以增殖英國之馬業。上下爭投資本。一時若甚興盛者。而不知資本之所以蓄積。因貿易之振興。製造業之發達。及農事之改良。而欲貿易獨占權之心。大熱。與外國屢開戰端。卒之國債益增。戰雖勝。而貿易獨占權之希望。終不得而達。

